

881

S35.Ysch



UNIVERSITY OF
ILLINOIS LIBRARY
AT URBANA-CHAMPAIGN
CLASSICS



Digitized by the Internet Archive
in 2013

<http://archive.org/details/joannisfrederici00schr>

Schröder, Joann Frederic Ludov


JOANNIS FREDERICI LUDOVICI SCHRÖDER,

DISPUTATIO

QUA

SOCRATIS SENTENTIA DE PHYSICAE
DISCIPLINAE STUDIO EXPONITUR.

Lugd. Bat. 1879



DISPUTATIO

QUA

SOCRATIS SENTENTIA DE PHYSICAE DISCIPLINAE STUDIO EXPONITUR.

PRAEFATIO.

In obscuris atque difficilibus quaestionibus, quae maximi nobis momenti videntur esse, curiose requirere, quid doctissimi, inprimis ex antiquitate viri, olim senserint, eorumque sententias cum nostris studiose conferre, proprium est plurimorum hominum; atque, si non impeditur libera mentis actio, neque desinimus nostrum ipsi adhibere iudicium, si in explorando, quid verum, aut probabile sit, non tam auctores, quam rationis momenta quaerimus, hoc studium minime mihi reprehendendum, neque philosopho esse indignum videtur.

Quid enim accurata ejusmodi opinionum rationumque comparatione magis utile est, qua falsas, quibus imbuti sumus, opiniones rejicere; veris certiore, atque perfectiore notitiam adhibere; latiores ad vires ingenii exercendas vias nobis aperire; asperitates, impedimenta, pericula, per quae in iis explorandis feramur, atque, quod minime parvi aestimandum est, ea, quae hominum vires superant, detegere possimus? Atque haud scio, an, hoc ad veritatem aditu intercluso, magna etiam ex parte ingenii cultus, atque una fere omnium progressus in artibus atque doctrinis intercludantur.

Haec autem cupiditas excellentium virorum opiniones investigandi, eo major profecto erit, quo magis illi propter ingenii acumen, iudicium, veritatisque amorem sibi laudem, atque auctoritatem apud nos conciliarunt. Quales inter, quos plurimos fovit celeberrima illa Graecia,

eminet Socrates, atque fulget tanquam lucidissima stella, quae proprio lumine tenebras a mundo dispellit.

Quis legens, quae de Socrate ab ejus discipulis memoriae nobis prodita sunt, non summa movetur admiratione viri, non maximas voluptates percipit, atque fructus — idque, sive contemplatur, quae et quo modo de vita, moribus, rebusque bonis et malis disfereret; seu animum advertit ad egregiam illam rationem, qua familiarium animos ad prudentiam, moderationem, honestatem, pietatem induceret, mentemque illorum, dispulsa caligine, idoneam redderet, ad virtutis semina recipienda, sibi perpicuas et distinctas notiones rerum, quas maximi interest hominis doceri, comparandas; sive perspicit, qualem se ipse et vita et moribus semper praestaret, egregiaeque doctrinae veritatem suo exemplo vindicaret.

Quaquam autem in illis monumentis, quibus memoria ejus celebrata est, haec summa sunt, omniumque nostra consideratione longe dignissima, sunt tamen et alia, quae aliis, pro suo cuique studio, inprimis videbuntur gravia. Criticus examinabit varias lectiones; grammaticus, quae ad linguae, dictionumque rationem; historicus, quae ad opiniones philosophorum, qui Socratis tempore, aut ante eum floruerunt, ad mores, res gestas Graecorum, aliaque pertinent. Qui in Ciceronis scriptis legendis studium suum inprimis collocavit, ante alia iis, quae a Cicerone de Graecis imitando, aut vertendo expressa sunt, attentum animum praebebit. Jam in disquisitione, quid de variis rebus senserit Socrates, sua quisque tuebitur. Politicus aliis locis ea anteponet, quae reipublicae formae, atque administrationis; puerorum magister, quae juventutis erudiendae atque instituendae; jureconsultus, quae legum atque juris propria sunt. Finge tandem, ut alios praetermittam, hominem physicis studiis delectatum. Notabit hic praecipua industria ea, quae Socratis sententiam de physica arte exponunt.

Hanc artem ego ipse secutus, idemque summa admiratione Socratis imbutus, nemini mirabile erit, si notatu inprimis digna ea loca existimavi, quae, quid de physica ejusque disciplinae studio statuerit Vir magnus, declarant. — Neque etiam, cum hac in disputatione illa
in-

investigare, colligere, atque explicare in animum induxerim, opus plane inutile mihi suscepisse videor, quoniam eruditorum sententiae hac de re etiam nostris temporibus sunt inter se disidentes. Cujus discrepantiae causa cum forsitan quoque in eo quaerenda sit, quod physica disciplina ab aliis, quibuscum illi quaedam intercedat similitudo, non satis distincta fuerit (a), necesse est, justis eam terminis circumscribamus. Physicam disciplinam equidem eam intelligo, quae seriem, continuationemque causarum naturalium, legesque naturae inquirat, quibus ea, quae in rerum natura sunt, atque sub sensus cadunt (Φαινόμενα appellata) variant, gubernantur atque in se agunt invicem; qua definitione (b) a *teleologia*, quae finem aut σκοπον rerum naturalium; a *metaphysica*, quae νοούμενα, quibus tanquam fundamentis Φαινόμενα niti dicuntur; a *cosmogonia*, quae originem mundi; a *theologia*, quae naturam supremam, creatorem mundi, providentiam divinam investigare conatur, satis distincta esse, atque Astronomiam, inprimis eam partem, quae attractionis vim atque effectum considerat, jure sibi videtur vindicare.

Examinaturis autem nobis de hujus artis studio Socratis sententiam, adeundi sunt fontes, in quibus Xenophontis et Platonis scripta primo loco sunt numeranda, videndumque, num hi a se invicem discrepent, et quae sit utriusque auctoritas. Ita quod tandem concluditur argumentum, cum tota Socratis philosophandi ratione cohaereat, certior inde assentiendi notam acquirere. Initium faciamus a Xenophontis Memorabilibus Socratis.

I. Xeno-

(a) Ut v. c. a LAERTIO in *vita Socratis*. Lib. II. Seg. 45.

(b) Quae multum differt ab ea, quam LAERTIUS Lib. I. Seg. 18, alique dede-
runt, secundum quos Physica inquit περί κόσμου καὶ τῶν ἐν αὐτῷ.

I. *Xenophontis Testimonium.*

In iis, quae de Socrate retulit Xenophon, quanquam id praecipue spectabat, ut accusatorum calumnias refutaret, tamen ampliores sibi constituisse fines, imaginemque magistri et amici non solum ad intuentum, verum etiam ad imitandum perfecte exprimere voluisse videtur; ita ut et ejus facta, mores, instituta, et quae, et quomodo docuerit; quae maximi, quae parvi momenti, quae utilia, necessaria, quae inutilia, futilia habuerit, plene et vere sint tradita. Hac tamen in effigie, Socratem neque physicam docentem, neque admonentem juvenes, ut in ea se exercerent, usquam videris. Nam quae *Memorab. Lib. I. C. IV.* atque *Lib. IV. C. III.* de rerum naturalium contemplatione dicuntur, quis non videt, ea ad theologiam naturalem, aut potius ad teleologiam, haud quaquam vero ad physicam esse referenda, tantumque differre ab iis, quae in physicis aguntur, quantum diversi sunt fines atque σκοποι a causis et viribus, quae fini illi perscrutando inservire possint. Hae duae artes, quarum altera, ut ita dicam, primarias, altera secundarias causas considerat, non solum nomine, sed etiam genere toto sunt distinctae (α).

Ex his jam verisimile fit, Socratem physicae studium non liberale, neque satis dignum, quo familiarium animi imbuerentur, judicasse. Nam si quis erit, qui fretus testimonio *ΧΕΝΟΦΟΝΤΙΣ Lib. IV. C. 7, § 1.* „Quae virum honestum et bonum scire oportet, ea Socrates, si ipse sciebat, cupidissime (προθυμότητι) docuit. Cujus autem ipse minus erat, peritus (ἀπειρότερος) ad peritos familiares, ut ab ipsis instituerentur, deducebat.”

Hoc

(α) LAERTIUS una cum omnibus fere antiquis his duas artes commiscuit. *Lib. II. Segmento 45.* „Videtur mihi Socrates, inquit, de Phycis quoque rebus disputasse, quoniam etiam de providentia (προνοία) quaedam docet, ut Xenophon narrat.”

Hoc dicat, fieri potuisse, ut earum rerum, quae in physica traduntur, non contemtionem sed inscitia, has ipse docere noluerit, verum ad magistros, a quibus docerentur, miserit familiares — non equidem negabo, haec per se fieri potuisse, nullam autem id mihi probabilitatis speciem habere videtur.

Saepius enim, atque haud indocte de physicorum discrepantia diserebat, atque nos, Xenophonti fidem habentes, eum satis peritum fuisse existimabimus geometriae atque astronomiae, non solum illarum communium, atque levium, quae in metiendis agris, in dividendis et determinandis diei, mensis, atque anni temporibus, sed earum etiam, quae in gravioribus contemplationibus versarentur, quaeque ea aetate quodam modo aditum aperire ad physicam disciplinam, ipsiusque vel quasdam partes constituere possent (vide *Memorab.* Lib. IV. C. 7. § 3. et § 5.)

DE GEOMETRIAE STUDIO.

Verum cum persuaderi nobis non opinione solum, sed etiam ad veritatem plane velimus, quaeramus argumenta magis explorata ad rem confirmandam aut negandam; atque primum videamus, quid de ipso Geometriae atque Astronomiae studio professus sit. Hae enim artes cum Physica tam arctis nexae sunt vinculis, ut qui illas negligat atque contemnat, Physicam haud quaquam diligenter colere possit.

XENOPHON (a) haec refert: „Socrates, quantum cujusque honestae artis homo liberaliter educatus peritus debeat esse, docebat, veluti (b) „Geometriae tantum, donec posset, ubi opus esset, recta metiendi „ratione agros vel accipere, vel tradere, vel distribuere, vel ad opus
fa-

(a) Lib. 4. C. 7. § 2. *Memorab.*

(b) *αἰτιαται*. Alii vertunt *statim ab ineunte aetate*. Accuratio magisque huic loco conveniens est interpretatio Ernesti, qui in adnotatione ad hunc locum vocis *αἰτιαται* vim explicavit.

„faciendum, portionem agri assignare (a): hoc autem tam facile discere
 „posse, ut, qui dimetiendo agro attentum animum praeberet, is et
 „quantus et quomodo metiendus sit ager, simul cognosceret. Verum hujus
 „artis etiam difficiliore, reconditasque quaestiones discendo complecti
 „velle (b) reprehendit, etsi in iis explicandis non rudis erat (c). Tantum
 „enim abesse dicebat, ut aliquam in iis utilitatem perspiceret, ut
 „hominis vitam consumere, eamque a multis aliis, iisque utilibus
 „doctrinis detrahere sibi viderentur”.

Hinc manifestum est, Socratem a ceteris Geometriae partibus eam partem seposuisse, quae in usu quotidiano, in dimetiendis agris versatur, (quam nostri homines ad prima Geometriae practicae elementa referunt) eamque unam familiaribus, in qua elaborarent, reliquisse, finesque hic circumscriptis non eos, quos ultra nullos omnino fructus haec ars afferre posset, sed quos si praetergressa esset, publicis privatisve Atheniensium rebus, quales eo quidem tempore essent, emolumento esse defineret. Vere igitur facillimum tale Geometriae dixit studium, quippe quod jam fere unius diei exercitatione comparari posset.

Geometres igitur a Socrate ab omni societate cum Physicis et Astronomicis repellitur; arcetur prorsus ab investigandis cursu, orbe, magnitudine, intervallo stellarum, motu corporum terrestrium, quantitate virium, obstaculorum, atque similium; excluditur, sicuti operarius, ab omni

(a) Secuti sumus Ernestum in interpretando τὸ ἔργον ἀποδείξασθαι, quod aliquantum obscurum est. Illustrari potest loco apud Herodotum L. I. 124 τοῖσι μὲν δὴ ἀποδέχεσθαι ἐκ τῶν λιθοτομιῶν ἔλκειν λίθους. Laërtius summam, quae Xenophon tradidit, his verbis refert: „μέχρι ἂν τις μέτρῳ δύνηται γῆν τε παραλαβεῖν, καὶ παραδοῦναι”. Lib. 2 § 32

(b) τὸ μέχρι τῶν δυσξυνέτων διαγραμμάτων γεωμετρίαν μαθάνειν.

(c) Theodorum Cyrenaicum praeceptorem Geometriae habuerat Socrates, ut est apud MAX. TYR. *Disfert.* XXII. Vixit hic certe Socratis tempore (*Memorab.* Lib. IV. Cap. II. § 10).

omni doctrina, ac tantum in agros, prata, tanquam in aliquod pistrinum detruditur atque compingitur. Qualem si quis nostris temporibus de Geometriae studio tulisset sententiam, is profecto videretur omne accuratius physices studium contemptui habere. Quid enim aliud est radicum fibras, quibus e terra succum trahit, evellere, nisi arbori exitium parare. Neque haec ita dico, ut Socratis tempore jam satis perspectum putem, quibus et quot arctissimis vinculis hae duae artes sint conjunctae, quod, quam absurdum sit, me non fugit. Sed si in Geometrica arte tantos progressus habebat Socrates, quantos habere illis temporibus licitum erat, non possum pro acutissimo ejus ingenio non concludere, ipsi persuasum fuisse, si naturae leges atque vires investigare hominibus concessum sit, id praecipue Geometria duce fieri oportere. Ex qua argumentatione, si justa est, id effici mihi videtur, Socratem Physices studium aut per se ipsum vanum atque leve putasse, aut, quoniam hominum vires superaret, nullum inde fructum percipi posse, statuisse.

DE ASTRONOMIAE STUDIO.

De fundamento, quo physica disciplina nititur, satis est dictum. Jam ad ipsius partes aedificii progrediamur, in quibus ante alias Astronomia enumeranda est, de cujus artis studio recte instituendo apud XENOPHONTEM (a) haec legimus.

„ Admonuit etiam familiares, ut Astronomiae hactenus periti essent, ut
 „ noctis, mensis atque anni tempora cognoscere possent, quoniam, qui
 „ haec tempora recte discernerent, certa haberent indicia in itinere, in
 „ navigatione, in excubiis nocturnis, et in omnibus rebus, quae certo
 „ quodam noctis, mensis, aut anni tempore peraguntur. Haec autem
 „ omnia facile ab iis, qui noctu venantur, qui naves gubernant, atque
 „ a multis aliis, quibus curae est, ut id sciant, disci posse. At vero

lii

(a) Lib. 4. C. 7. § 4. *Memorab.*

„ in Astronomiae studio eo progredi, ut etiam ea, quae non communi
 „ coeli sed proprio motu ferantur, et planetae et stellae vagae cognos-
 „ cantur, (a) atque in explorando, quae sint eorum intervalla a terra,
 „ qui orbis, quae causae, vires consumere, id valde dissuasit. Nullam
 „ in iis, quorum tamen rudis non erat, se utilitatem videre dicebat;
 „ contra, ad absumendam hominis vitam haec studia idonea esse, atque
 „ a multis, iisque utilibus rebus eum prohibere”.

Ex his liquet, non minus Astronomiam, quam Geometriam in angustias esse compulsam, cum utilitas ad cultum vitae, tanquam unica lex, qua utriusque fines determinentur, constituta sit. Verum, demus hoc, quod quasi suo jure sibi sumsit Socrates; accipiamus legem. Utraque ars, *quatenus a nostris exercetur*, majore ex parte salva erit, atque campus fatis latus, in quo ejus studiosi operam suam collocare possint, aperiatur. Universam Arithmeticam mercatores; Algebram, et Geometriam illam, quam vocant sublimiorem, artifices et mechanici; Astronomiam sphaericam Navigatores et Geographici, alias partes alii jure suo sibi praecipue vindicabunt, iidemque prudenter non omnia, quorum usus nondum perspicuus atque certus sit, misa facient, sed, quae verisimile sit, ut in posterum fructus ferant, conservabunt. Noluit haec Sociates. Quicumque arboris rami nondum fructus tulerant, eos amputavit. Itaque quod reliquum fecit ex Astronomia ejusmodi est, ut quivis diligens agricola et prudens nauta, qui satis cautus non nisi conclusum mare ingreditur, ejus sint peritissimi, atque, quod ne suspicati quidem sunt, Astronomi merito habeantur. Mittatur ad hos, qui in id studium incumbere velit, neque futilibus, et vanis quaestionibus de legibus motus, de viribus, de causis aliisque molestis et operosis negotiis implicatus sit. Hi enim magistri neque tantum negotii habebunt, neque exhibebunt discipulis.

DE

(a) μέχρι τοῦ καὶ τὰ μὴ ἐν τῇ αὐτῇ περιφορᾷ ὄντα, καὶ τοὺς πλάνητας τε καὶ ἀσταθμήτους ἀστέρας γινῶναι.

DE PHYSICES STUDIO.

His consideratis, negari non potest, Socratem, testimonio Xenophon-
tis, omne accuratius naturae studium inane, atque leve, physicarumque
rerum cognitionem interiorē solivagam atque jejunam existimasſe. Quae
ſequuntur, non minus firmas hujus ſententiae rationes ſuggerent, atque
ex iis quae diximus, facile explicabuntur.

Pergit Xenophon (a). Omnino dehortabatur eos, ne rerum coeleſtium
ſpeculatores eſſent, inquirentes, quomodo ſingula deus moliatur (ὅπως δὲ
τῶν οὐρανίων, ἢ ἕκαστα ὁ θεὸς μηχανᾷται, Φροντιστὴν γίνεσθαι, ἀπέτρεπεν)

„ Haec enim eſſe procul ab hominum cognitione, neque diis gratum
„ fore, quae ipſi hominibus patefacere noluiſſent, ea inquirere, neque qui
„ haec meditarentur, non in periculo verſari, ne eodem modo, quo Ana-
„ xagoras, delirarent, qui maxime gloriaretur, quod deorum machinas
„ (μηχανὰς) explicarat”.

Hujus Anaxagorae dementiae, ut vult, argumenta, ex ejus ſententia de
ſolis natura ducta, ſequente paragrapho afferuntur; verum tota haec para-
graphus vix Xenophonte, ne dicam Socrate, ſatis digna eſſe videtur,
eamque etiam veluti ſcioli additamentum damnavit Edwards.

Voce τὰ οὐράνια hoc in loco ſignificantur omnes quaestiones, quae ad
coeleſtia corpora, ad ſtellas, ſolem, planetas, lunam, ad eorum motum,
naturam, intervalla pertinent. Hanc latam verbi ſignificationem, quae
praecipue aſtronomicas et phyſicas quaestiones complectitur, mihi requirere
videntur, et quae antecedunt, et quae ſequuntur.

ἢ ἕκαστα ὁ θεὸς μηχανᾷται igitur eſt, quibus legibus atque viribus deus
ſingula moliatur, aut quae ſit motus, ordinis, naturae horum corporum
ratio. Hae leges designantur voce μηχαναί, quae proprie indicat artificia
ſeu adminicula, quibus quis utitur ad aliquid efficiendum. Leges enim et
vires, quibus phaenomena fiunt, intereunt, variant, agunt, quaſi admini-
cula

(a) c. 1. § 6.

cula sunt, quibus mundus a deo regitur. Ergo falsa est illa interpretatio nullaque ratione stabilienda, quae statuatur, ad perobscuras illas quaestiones Cosmogonicas et delirantium somnia de origine mundi, de primis causis, ceteras, tantummodo respexisse Socratem, non autem ad eas, in quibus humanum ingenium maximo cum fructu atque delectatione suas facultates exercere possit, quaeque jure ad ea referantur ἃ τοῖς ἀνθρώποις ἔδωκεν οἱ θεοὶ μαθεῖν διακρίνειν. (Lib. I. Cap. I. § 9. *Memorab*).

Simillima ratio est loci (Cap. I. Lib. I. § 11—16.) ubi de docendi ratione Socratis haec narrantur.

„Tantum aberat, ut de natura Universi eadem ratione, qua plurimi
 „alii, disereret, inquirens quomodo, qui a Sophistis κόσμος appella-
 „tur, se habeat, atque quibus causis et legibus omnia coeli phaenomena
 „orientur, ut ostenderet, insanire qui talia meditantur (οὐδὲ γὰρ περὶ τῆς
 „τῶν πάντων φύσεως, ἢ περὶ τῶν ἄλλων εἰ πλείστει, διελέγετο, σκοπῶν,
 „ὅπως ὁ καλούμενος ὑπὸ τῶν σοφιστῶν κόσμος ἔχει, καὶ τίσιν ἀνάγκαις
 „ἐκαστὰ γίγνεται τῶν οὐρανίων). Atque primum de iis haec inquirebat:
 „utrum jam satis se nosse humana (τὰνθρώπινα) putantes, ad ejusmodi
 „studia progredierentur, an, relictis rebus humanis, divinas contemplan-
 „tes τὰ δαιμόνια recte se agere existimarent. Mirabile ipsi videbatur, non
 „jam ex eo ipsis perspicuum esse, has divinas res ab hominibus investi-
 „gari non posse, quod illi etiam, qui plurimum de his disputationes
 „jactarent, non inter se convenirent, sed eadem inter eos esset quam
 „furiosorum ratio: cum alii, unum esse omnia, alii infinitam multitu-
 „dinem, omnia semper moveri alii, alii nihil unquam moveri, alii
 „omnia fieri et interire, alii nihil unquam aut fieri aut interire opina-
 „rentur. Atque etiam haec de illis considerabat: utrum, veluti qui
 „humanas res didicerunt, id existimant, se quidquid didicerint, et sibi
 „ipsis et aliis, quibuscunque voluerint, facere posse, idem et existi-
 „ment illi divinarum rerum perscrutatores (τῇ θεῶν ζητοῦντες) se quoque,
 „posteaquam cognoverunt, quibus legibus omnia fiant, et ventos et
 „aquas et tempestates aliaque his similia, si quo sibi opus sit, facturos
 „esse — an nihil tale sperent, sufficiatque ipsis cognoscere tantummodo,
 „quo-

„ quomodo singula hujus generis fiant. Atque haec de iis, qui talia „ tractabant, proferebat, ipse autem semper de humanis diserebat”.

Quis est, qui accuratius perpensis quae hoc loco memorantur, non colligat, Cosmogoniam, quae mundi originem, causasque primarias, atque Physicam, quae, quibus legibus ea quae in mundo sunt, in se invicem agant, causasque secundarias investigare conetur, nequaquam, ut res exigat, distinctas esse, verum ita inter se confusas et perturbatas, ut nihil inter eas interesse videatur, atque utraque tanquam ejusdem criminis rea eodem supplicio afficiatur.

Nam primum vocis φύσις vis tam late patet, ut et indolem, et vim, constitutionem, quin etiam substantiam indicare possit: quare orationis contextu restringi, justisque finibus includi debet. Quae hoc loco ei subjicienda sit sententia, indicatur iis, quae sequuntur; neque dubium est, quin quaestiones περί τῆς τῶν πάντων φύσεως partim ad Cosmogoniam, partim ad Physicam referendae sint. Etenim κόσμος (a) est coelum stelleriferum, atque τὰς ἀνάγκας fatis commode sic interpretabimur, ut idem sit, quod nostri physici naturae leges atque rerum naturalium causas appellent. Caeterum recte conferemus hunc locum cum eo, quem proxime explicavimus, neque recusabimus, ne haec verba σκοπεῖν τίσιν ἀνάγκαις ἕκαστα γίνεσθαι τῶν οὐρανίων atque illa φροντιστῆς γίνεσθαι τῶν οὐρανίων ἢ ἕκαστα ὁ θεὸς μηχανᾶται eodem fere sensu accipiamus, idemque statuamus περί τῶν μηχανῶν τῶν θεῶν atque περί τῶν ἀναγκῶν. Hinc effici quidem videatur, tantummodo de physicis rebus hoc loco sermonem esse, verum illae de mundo quaestiones, quae § 14 memorantur, nonnisi in Cosmogonicis et Ontologicis sunt numerandae, eorumque nullam curam habet physicus.

Est autem duplex lectio ὅπως ὁ κόσμος ἔχει et ὅπως ὁ κόσμος ἔφυ’, quarum prior

(a) Phavorinus apud L A E R T I U M Lib. VIII. Sig. 46. Galenus, alique memorant, Pythagoram primum coelum appellasse κόσμον: quare forsitan hoc loco non tantum Sophistae, sed etiam Pythagorei a Xenophonte notantur.

prior pluribus manuscriptis, atque etiam Eusebii et Stobaei citatione confirmatur. Utram eligas, nihil ad ea, quae nos conclusimus. Si lectio ἔχει vera est, ad doctrinas astronomicas magis respicitur, sin ἐφυ, ad cosmogonicas.

Proximum est, ut, quanam verborum τὰ ἀνθρωπινὰ, τὰνθρώπεια, τὰ δαιμόνια vis sit, inquiramus, quae quidem recte interpretari, permagui interest ad ea, in quibus versatur nostra disputatio. Quorum autem verborum significatio cum non minus quam hujus locutionis ἡ τῶν πάντων φύσις vaga sit, ea mihi in explicando potissimum ingredienda via videtur, qua auctoris verba ex ipsius dicendi argumentandique ratione definiantur.

Ac primum quidem τὰ ἀνθρώπεια et τὰ ἀνθρώπινα idem prorsus significare videbimus collatis locis. Lib. I. Cap. I. § 12. 15. 16 et Lib. I. Cap. IV. § 16, Lib. IV. Cap. VI. § 5. ubi utrumque verbum promiscue de eadem re usurpatur. Eusebius etiam pro ἀνθρώπεια Lib. I. Cap. I. § 15. quod est in textu, legit ἀνθρώπινα. Quae deinde his verbis subiecta sit vis, sequentia loca indicant. Etenim Lib. I. Cap. I. § 19. videmus ad ἀνθρώπεια referri mores hominum, virtutes, vitia, ea quae ad civitatem, ad reipublicae administrationem pertinent, aliaque ejusmodi, quae scire honestum bonumque virum decet (ἀ τοῖς μὲν εἰδότας ἡγεῖτο καλοὺς καὶ ἀγαθοὺς εἶναι) Ac Lib. I. Cap. IV. § 16. inter τὰνθρώπεια recensentur civitates, populi, „ οὐχ' ὁρᾷς, ὅτι τὰ πολυχρονιώτατα καὶ σοφώτατα τῶν ἀνθρώπων, πόλεις καὶ ἔθνη, θεοσεβέστατά ἐστιν.”

Porro Lib. IV. Cap. VI. § 5. omnes hominis actiones morales relatae ad societatem atque communionem hominum τὰνθρώπεια πράγματα vocantur: „ δι γὰρ τοῖς ἀνθρώποις καλῶς χρώμενοι, καλῶς πράττουσι τὰνθρώπεια „ πράγματα”.

Atque haud scio, an eadem ampla vis tribuenda sit iis, quae § 15. Lib. I. Cap. I. Memorab. τὰνθρώπεια vocantur, quaeque ERNESTI (a) tantummodo dici voluit de artibus opificum. Etenim tam ea quae sequuntur,

(a) Vide Clavem Ciceronis ad vocem *divinus*.

tur, quam argumentationis et similitudinis vis et ratio id mihi requirere videntur. Ac ne quis dicat, huic interpretationi obflare τὸ μανθάνειν τὰνθρώπεια atque τὸ ποιεῖν τινα τὰνθρώπεια, quasi id minus commode de actionibus moralibus dici possit: nam e sententia Socratis virtutem discere (μανθάνειν) et discendo augere possumus: ut e. g. Lib. II. Cap. 6. § 39., ὅται δ' ἐν ἀνθρώποις ἀρεταὶ λέγονται, σκοπούμενος εὐρήσεις πάσας μαθήσει τε καὶ μελέτη αὐξανομένους. Eadem fere dicit Lib. III. Cap. IX. § 1. — atque Lib. I. Cap. II. § 19. iustitia et temperantia iis adnumerantur, ὧν μάλιστα ἐσιν. Conferatur etiam Lib. IV. Cap. I. § 1. ubi memoratur τὸ μανθάνειν ἀνθρώποις τε καὶ ἀνθωπίνοις πράγματι εὖ χρῆσθαι.

Deinde verbum ποιεῖν loco τοῦ πράττειν commode applicatur actionibus moralibus; id quod multis, si opus sit, exemplis e Xenophonte petitis confirmare possumus: veluti Lib. IV. Cap. V. § 3. ἴσως γὰρ ἐλευθέρου φαίνεται σοι τὸ πράττειν τὰ βέλτιστα. εἴτα τὸ ἔχειν τοὺς καλὸν τῶν ταιούτων ποιεῖν, ἀνελευθέρου νομίζεις, ubi ποιεῖν et πράττειν promiscue de actionibus moralibus adhibentur. Sic etiam apud eundem τὰ κάλλιστα, τὰ ἀισχίστα, τὰ δίκαια ποιεῖν.

Ex iis, quae huc usque explicavimus, illustrari potest verbum δαιμόνιον, quoniam his locis opponitur τῷ ἀνθρώπειον. Ad quaestiones περὶ τῶν δαιμονίων referuntur Physicae et Cosmogonicae περὶ τῆς τῶν πάντων φύσεως, περὶ τοῦ, ὅπως ὁ κόσμος ἔχει (aut ἔφυ), περὶ ταῖς ἀνάγκαις, αἷς γίγνεται τὰ οὐράνια, ut ex § 12. collata cum Lib. I. Cap. I. § 11. patet. Deinde illuc referuntur Ontologicae et Metaphysicae quaestiones περὶ τοῦ ὄντος, περὶ τοῦ πάντα ἢ οὐδὲν κινεῖσθαι, γίνεσθαι, ἀπόλλυσθαι § 14. et Physicae, περὶ τοῦ ἢ ἀνέμοι, ὕδατα, αἶρα ἢ τοιαῦτα γίνονται.

De his autem δαιμονίσις, atque de illorum perscrutatoribus haec professus est Socrates:

Τὰ δαιμόνια οὐ δυνατόν ἐστιν ἀνθρώποις εὐρεῖν Lib. I. Cap. I. § 13. conf. Lib. 4. Cap. I. § 6. οἱ φροντίζοντες τὰ δαιμόνια ἐσιν μαρμάρωντες. (§ 11.) καὶ τοῖς μαινομένοις ὁμοίως διακίβνται πρὸς ἀλλήλους (§ 13.) κινδυνόουσι πάραφρονεῖν καὶ οὐ χαρίζονται θεοῖς. Lib. IV. Cap. VII. § 6. Quoniam autem, ut satis jam demonstratum est, ea quae physica inquirunt, nequa-

quam ἐν τοῖς ἀνθρώποις, sed prorsus ἐν τοῖς δαιμονίοις sunt ponenda, certissima est conclusio, haec attributa e Socratis sententia omnino Physicae ejusque artis studiosis convenire (a).

II. AUCTORITAS XENOPHONTIS.

Jam vero, ut ea, quae disputavimus, paucis complectamur, Xenophon-
tis sententia haec est, Socratem *omne* Physices studium tanquam inutile,
vanum, rejecisse; quod autem ad Geometriam atque Astronomiam, eas
tantummodo partes admisisse, quae communi in vita, quotidianisque
Atheniensium suae aetatis negotiis versarentur.

Quae autem fides, quae auctoritas huic testimonio adhibenda est?
Multis enim, etiam nostra aetate, parum illud firmum esse videtur, quare
nos sine validis certisque argumentis ei confidere neque possumus neque
debemus.

Exploremus ergo nonnullas eorum rationes, a quibus ea, quae retulit
Xe-

(a) Cum Xenophonte omnino consentit CICERO *Acad. Quaest.* Lib. I. Cap. IV.
§ 15. et *Tusc. Disp.* Lib. V. Cap. IV. § 10., qui δαιμόνια expressit verbis, *coelestia,
res occultae, ab ipsa natura involutae*, quae sunt procul a nostra cognitione, vel, si
maxime cognita sunt, nihil tamen ad bene vivendum. Ad ἀνθρώπειαν refert ea, quae
ad vitam communem pertinent, virtutes, vitia, res bonas, malas, mores. Confer etiam
Acad. Quaest. Lib. IV. Cap. XXXIX § 123. LAERTIUS Lib. II. Sig. 20. Σωκράτης
γὰρ δὲ τὴν φυσικὴν θεωρίαν μὴδὲν εἶναι πρὸς ἡμᾶς etc. Vide etiam GELLIUM
N. A. Lib. XIV. Cap. III., Praeterea putant id quoque ad ista, quae dixi, accedere,
„ quod Xenophon negat, Socratem de coeli atque naturae causis, rationibusque unquam
„ disputavisse; ac ne disciplinas quidem ceteras, quae μαθήματα Graeci apellant,
„ quae ad bene beateque vivendum non pertinerent, aut attigisse aut comprobasse.
„ Idcirco turpiter eos mentiri dicit, qui disertationes istiusmodi Socrati attribuerent.
„ Hoc autem, inquit, Xenophon cum scripsit, Platonem videlicet notavit, in cujus
„ libris Socrates de Physica, Musica et Geometria disertat.

Xenophon, in dubium vocantur, aut certe vocari videntur. ZEUNE, unus ex memorabilium Socratis editoribus (a), haec notat:

„ Ceterum Socrates *non omnino* improbat Geometriae et Astronomiae
 „ studium, sed Physicorum suae aetatis morem, qui *omnem* operam
 „ collocabant in quaestionibus difficilioribus de figura terrae etc. neglecta
 „ *prorsus* philosophia morali. Atque sane ab usu vitae communis et mo-
 „ ralis, quam solam spectabat philosophus, alienum erat *summum* ejus-
 „ modi rerum studium”.

Verum quaerere hoc loco liceat, num satis constet, Physicos, Geometras, Astronomos, Socratis aetate, omni opera in quaestionibus difficilioribus de figura terrae etc. collocata, philosophiam moralem *prorsus* neglexisse? Citeatur testis Anaxagoras, qui, ut vidimus, prae aliis a Xenophonte notatur. Hic vir, summus pro eo tempore in maximarum rerum scientia, cujus doctrina instructus Pericles praestantissimus orator (b), atque sapientissimus reipublicae exstitit gubernator (c); qui docuit, esse mentem divinam infinitam, ad omnem rerum naturam pertinentem, cujus vi ac ratione omnium rerum descriptio et motus designentur et consiciantur (d), qui Solis defectibus explicatis animum a superstitione liberavit (e); qui primus statuit, id spectasse Homerum in di-

(a) Ad locum Memorab. Lib. IV. Cap. VII. § 3.

(b) VALERIUS MAXIMUS Lib. VIII. Cap. 11. de eclipsi Solis Periclis tempore narrat: cum obscurato repente sole inustatis perfusae tenebris Athenae solitudine agerentur, interitum sibi caelesti denuntiatione portendi credentes, Pericles processit in medium, et quae a praeceptore suo Anaxagora pertinentia ad solis et lunae cursum acceperat, disseruit: nec ulterius trepidare cives suos vano metu passus est. Rem paulo aliter narrat PLUTARCHUS in *vita Periclis*, qui quantum fructus Anaxagorae doctrina Pericli attulerit, optime exposuit.

(c) Socrates ipse in Phaedro haec proficitur. Vide etiam CIC. Orator. 4 § 15. et PLUTARCHUM in *vita Periclis*. Anaxagora quoque Thucydides praeceptore usus est.

(d) CIC. de Orat. III. Cap. XXXIV.

(e) CIC. de Nat. Deor. I. Cap. II. PLUTARCHUS in *Pericle*.

divinis ejus, quae studiose legerat, carminibus, ut virtutem et justitiam allegoricis narrationibus depingeret (a); Anaxagoras, inquam, tantus vir, ab usu vitae communis et moralis alienus erat (b)? Num ingenium his

ar-

(a) LAERTIUS Lib. II „δοκεῖ δὲ πρῶτος τὴν Ομήρου ποιήσιν ἀποφύνασθαι „ εἶναι περὶ ἀρετῆς καὶ δικαιοσύνης”.

(b) Fateor, me dubitare, a satis accurate Socrates primus, ut CICERO vult, (*Disput. Tusc. Lib. V. Cap. IV*) philosophiam dicatur coëgis se de vita et moribus, rebusque bonis et malis quaerere. LAERTIUS Lib. II. 16. memorat, Socratem Ethicam introdisxisse, verum addit: εἶκοι δὲ καὶ Ἀρχέλαος (Socratis magister) ἄψασθαι τῆς ἡθικῆς καὶ „ γὰρ περὶ νομῶν πεφιλοσόφηκε, καὶ καλῶν καὶ δικαίων, παρ’ οὗ λαβὼν „ Σωκράτης τῷ αὖξισται εἰς τὸ εὖρεῖν ὑπελήφθη — ἔλεγε δὲ τὸ δίκαιον εἶναι „ καὶ τὸ ἀισχρὸν οὐ φύσει, ἀλλὰ νόμῳ”. — Neque etiam verisimile est, Pythagoreos, ut hoc exemplo utar, a philosophia, quam exercerent, ethicam exclusisse. Secundum LAERT. Lib. VIII. 6. Pythagoras tria volumina (συγγράμματα) scripsit παιδευτικὸν, πολιτικὸν, φυσικὸν, atque Lib. VIII. 7. Aristoxenus, qui Pythagoreos adhuc viderat (Lib. VII. 4.) narrasse dicitur „ πλείστα τῶν ἡθικῶν δογματῶν „ λαβεῖν τὸν Πυθαγόραν πᾶρὰ Θεμιστοκλείας τῆς ἐν Δελφοῖς”. Quod de precibus dñs adhibentis censebat Pythagoras (Lib. VIII. 9.) omnino convenit cum eo, quod Socrates; atque (Lib. VIII. 16) idem Pythagoras narratur: „ ἄλλους τε „ πολλοὺς κατὰ τὴν Ἰταλίαν ἀπεργάσασθαι καλοὺς τε καὶ ἀγαθοὺς ἄνδρας, ἀτὰρ καὶ Ζήλευκον καὶ Χαράνδην τοὺς νομοθέτας”. Cui opinioni assentire videtur CICERO (*Tusc. Disp. I. 16*) „ Pythagoras tenuit magnam illam Graeciam cum honore et disciplina tum etiam auctoritate, atque (Lib. IV. 1.) Cum Pythagorae disciplinam et instituta cognoscerent, Numaeque aequitatem et sapientiam a maioribus suis accepissent, propter vetustatem eum, qui sapientia excelleret, Pythagorae auditorem fuisse crediderunt”. Accuratus hanc suam de Socratis philosophia morali sententiam exponere videtur CICERO de Finibus L. V. 29. „ Bono animo esse, id Democritus summum bonum, εὐθυμίαν et saepe ἀθαμβίαν appellat, id est, animum terrore liberum. Sed haec, etsi praeclare, nondum tamen et perpolitata. Pauca enim, neque ea ipsa enucleare ab hoc de virtute quidem dicta. Post enim haec in hac urbe primum a Socrate quaeri coepta”. Conf. Laert. Lib. IX. 37.

Non ab re mihi videtur fore, hic duo apud Ciceronem loca notare, in quibus etiam

hi.

artibus ornare, atque mores simul philosophiae praeceptis excolere, quasi inter se repugnantia merito habeantur, nullamque fidem mereantur, quae apud OVIDIUM *Fastor.* Lib. I ?

Felices animos, quibus haec cognoscere primis
Inque domos superas scandere cura fuit.
Credibile est, illos pariter *vittisque* locisque
Altius humanis exferuisse caput.
Non Venus et vinum sublimia pectora fregit,
Officiumque fori, militiaeve labor;
Nec levis ambitio, perfusaque gloria furo
Magnarumque fames sollicitavit opum”.

Acerrimam profecto cladem illam in bello contra Syracusanos, ut recte observat Plutarchus in Nicia, non accepisset Atheniensium respublica, si navium principes, Anaxagorae de eclipsibus lunae atque solis doctrina imbuti, a superstitione liberati fuissent. Si Physicorum atque Astronomorum causam contra Socratis accusationem defendere deberemus, non ineptum foret hoc exemplo demonstrare, quam parum confiderate Physicam pro-

hi philosophi cum Socrate comparantur. Postquam (*Acad. Quaest.* 39.) sententias Democriti, Anaxagorae, Pythagoreorum atque aliorum *περί τῶν φυσικῶν* irriserat”. Liber igitur, ait, a tali irrisione Socrates, qui nihil istorum sciri putat posse”. Verum in hisdem Quaest. Acad. I. 12. „harum rerum (*φυσικῶν*) obscuritas, quae ad confessionem ignorationis adduxerat Socratem, et veluti amantes Socratem, Democritum, „Anaxagoram, Empedoclem, omnes paene veteres, qui nihil cognosci, nihil percipi, „nihil sciri posse dixerunt: angustus sensus, imbecillos animos, et (ut Democritus) in „profundo veritatem esse demersam: opinionibus et institutis omnia teneri: nihil veritati „relinqui: deinceps omnia tenebris esse circumfusa dixerunt”.

Num etiam Sophistam Prodicum Chium, qui eregiam composuerat fabulam de Hercule, qua Socrates ipse in discipulis ad virtutis studium cohortandis utebatur (*Xenoph. Memorab.* II. 1. § 21.) merito iis adnumeremus, qui philosophiam moralem neglexerint?

prorsus rejecerit, Geometriam atque Astronomiam angustissimis limitibus circumscripserit, etiam si concedatur, quod concedi nequit, in his disciplinis tantummodo usum communis vitae atque morales spectandum esse. Profiteor, me valde mirari, in hanc sententiam incidisse Socratem, neque omnino assentiri possum SCHNEIDERO, qui ad Lib. IV. Cap. VII. 3. haec notat.

„ In tanta artium mechanicarum infantia, et inepto Cosmologorum
 „ more, Geometriam et Astronomiam ad res intellectum humanum trans-
 „ scendentes accommodare conantium, non mirabimur sententiam Socra-
 „ tis, qui mores hominum excoli malebat, quam victum ingenium artium
 „ subtilitate”.

Deinde si ZEUNIO atque SCHNEIDERO credimus, *summum* illud harum artium studium, quod philosophiae morales studio detrimento esse potest, aut ad res, intellectum humanum superantes, accommodatur, *solum* a Socrate reprehenditur. Haec autem sententia, quam parum cum Xenophontis testimonio conveniat, non est, quod amplius doceam. Nullus affirmare dubito id, quod ex iis, quae conclusimus, jam exploratum est, eos, qui ita nobis occurrant, aut, quid voluerit Xenophon, non recte intellexisse, aut ejus testimonio non satis firmam fidem adhibuisse; quod posterius, cum, quae explicavimus loca, nequaquam ambigua sint, verissimilius est.

Quae vero Zeunius et Schneiderus, alique tanquam dubii non satis distincte significarunt, ea C. F. HINDENBURG, vir literarum studiis insignis, Geometres celeberrimus, fidentius affirmat in Animadversionibus ad Socratis Memorabilia, quae separatim editae sunt Lipsiae 1779. Non negat, Xenophontem ita rem exposuisse Memor. Lib. IV. 7. ut appareret, Socratem Geometriae atque Astronomiae contemptorem fuisse, idemque convenit cum Xenophonte, affirmante, harum artium magistrum suum non rudem fuisse, easque non docuisse. Ut autem Socratem a reprehensione Mathematicorum et Astronomorum liberet, rem in eam partem explicare conatur, quasi Xenophon, ipse illarum artium expertus, *magistri mentem non recte intellexerit*. Sed audiamus ipsum suam sententiam expo-

ponentem (pag. 193.) „ Socrates, cum haec studia aliis relinqueret
 „ tractanda, non id fecit propterea, quod ea contemneret, aut parum
 „ habere utilitatis cum Xenophonte existimaret, sed quia animadver-
 „ tisset solam (?) suo tempore Physicam dominari; moralem Philosophiam,
 „ quae de officio praeciperet, nullam plane (?) esse. De coelo itaque, ut
 „ ajunt, in terram devocavit philosophiam Socrates, stultum esse existi-
 „ mans, relictis rebus humanis, quarum cognitione humanae vitae felici-
 „ tatem contineri potissimum docebat, statim ad res divinas contemplan-
 „ das accedere, aetatemque in eorum studio consumere; in quo recte
 „ judicasse Socratem, neminem facile, qui dubitet, reperiemus. Haec
 „ autem cum saepius, et, ubi occasio daretur, non *sine vehementia* in-
 „ culcaret discipulis Philosophus, addens simul, eum, qui de officio
 „ praecepta vitae teneret, ad usumque converteret, posse tamen, etiam si
 „ alia omnia ignoraret, boni civis et honesti viri munia recte obire;
 „ qui autem nesciret, similem esse mancipii; haec, inquam, cum diceret
 „ Socrates, Xenophon, quem et hoc caput, et reliqui libri Matheaeos
 „ et Physices expertem fuisse testantur, in hanc fere partem interpreta-
 „ tus est, quasi ea tantum studia et *unice* commendasset Socrates, quae
 „ ad vitam bene instituendam, remque publicam feliciter gerendam pertine-
 „ rent; ex reliquis autem non nisi censuisset retinenda ea esse, quibus
 „ vix ac ne vix quidem humana vita carere possit”.

Videantur haec quidem continuo fati probabilia. Vereor tamen, ne diligentius re considerata, difficilius sit ponere, Xenophontem magistri sententiam non recte intellexisse, atque interpretatum fuisse, quam probare argumentis, magistrum nimis justo has artes contempsisse. Quod ut accuratius exponatur, videamus, quidnam universe de fide Xenophontis hac quidem in re probabiliter statui possit.

Magistrum, qui obscure, aut ambigue loquitur, discipulus non recte intelligit. Hoc damus. An vero haec obscuritas, haec ambiguitas a Socrate profecta est? a Socrate, inquam, qui, ipsius Xenophontis testimonio, omnibus modis id agebat, ut perspicuitati confuleret, plenamque in animis auditorum persuasionem efficeret; qui non universa oratione, aut

continuata ratiuncularum serie, sed interrogando involutam animi notionem evolvere solitus erat?

Fieri deinde potest, ut obscuram atque incognitam quaestionem, quam dilucide a magistro explicetur, non intelligat discipulus. Hoc quoque damus, et libenter quidem, si rei intelligentia difficilior est, viresque discipuli quodam modo superat. At, quaeso, quidnam tandem hac in causa difficilius intellectu fuit? Illud videlicet, utrum Socrates *omnino*, an *certis quibusdam conditionibus* Physices studium disuaderet; utrum a *tota*, an tantum a *quadam* hujus doctrinae parte alienus esset; *quibus terminis* Geometriae et Astronomiae studium circumscriberet? An tantae molis erat, hoc recte intelligere? An facultates ingenii earum artium rudis superabat? Quam vani igitur sint nostri conatus, qui auditoribus, ceterarum quidem artium peritis, Mathematicae autem et Astronomicae disciplinae imperitis, utilitatem harum doctrinarum atque usum explicemus? Socratem scilicet docentem Xenophon non intellexit, at nos docentes nostri auditores intelligent!

Denique conveniat id quoque oportet, credibile esse, rem quamvis intellectu facilem atque perspicuis et distinctis verbis semel vel etiam saepius a magistro explicatam non recte tamen a discipulo perceptam fuisse, cum aut hic non satis attentum animum praeberit, aut alia causa rei intelligentis impedimento fuerit. — Quid autem, si sexcenties de ea re sermo fuit? Si fere quotidie sive obiter, sive accurate, sive casu, sive de industria de eadem re disputatum fuit? Quod profecto nemini dubium est, qui sibi persuasit veri investigationem praecipue ejus, quod his artibus continetur, maxime naturam attingere humanam, arctoque igitur nexu magna ex parte conjunctas esse quaestiones de spatio, de tempore, de rebus naturalibus, de Universo cum illis, quae mores atque naturam hominis spectant, quaeque maxime (neque id immerito), Socrati placebant. Neque etiam tantam in audiendis Socratis sermonibus negligentiam nobis fingere licet in illo viro, qui magnam eorum copiam atque varietatem tam accurate literis consignavit.

Ex his merito mihi concludere videtur, neque rei difficultati, neque magistri

gistri vitio, neque discipuli negligentiae attribuendum esse, quo minus Socratis sententia recte sit percepta: Quid ergo restat, quo id, quod HINDENBURGIUS vult, credibile fiat? Quid aliud nisi tardum atque obtusum Xenophontis ingenium. At vero quantus in eo debuit esse mentis stupor atque tarditas, qui rem intellectu tam facilem, cui attentum prae-buerat animum, sexcenties repositam a magistro, qui nihil celabat fami-liares, atque, quod ipse Xenophon testatur, accurate et perspicue docendi facultate omnibus antecellebat, non recte perceperit, atque aliter ac tradita esset, interpretatus sit. — Scilicet hic ingenii stupor atque tarditas nobis erit fingendus in Xenophonte, historico illo egregio, cujus voce Musae locutae esse ferebantur, qui mediis in occupationibus militaribus, in quibus summus erat, Memorabilia Socratis, aliòsque libros conscripsit plurimos, qui inter optimos quosque merito recensentur?

Qui autem non de facultate vere dicendi, sed de voluntate dubitant, his, cum certis testimoniis careant, confugiendum est ad ea, quae voluntatem, ut a veritate deflecteret, impellere potuerint.

„ Plures dantur rationes (ita forsitan illi disserunt) cur potius hanc,
 „ quam exposuit, quam veram Socratis sententiam cognitam esse voluerit
 „ Xenophon. Quid si magistri auctoritate atque contemtionem harum ar-
 „ tium discipulus suam sententiam sustentari, ignorantiam excusari exis-
 „ timaverit? Praeterea accusatus fuerat Socrates, quod nimis curiose res
 „ physicas et coelestes investigaret, quae investigatio ad Atheismum ten-
 „ dere credebatur. Quid mirum, Xenophontem, quo melius has dilueret
 „ calumnias, pia fraude usum fuisse, atque Socratem tanquam ab his
 „ studiis prorsus alienum induxisse? Neque enim haec narrandi licentia
 „ plane abhorret ab ejus moribus, qui in Cyropaedia falsa cum veris mi-
 „ rifice miscuit.

Haec sola, ni fallor, (quantum conjectura consequi licet) sunt, quae in re, de qua agitur, voluntatem movere potuerint. Quam autem vim re-vera habeant, nunc consideremus.

Xenophon omnium eruditorum testimonio, totiusque judicio Graeciae ex-celluit inter historicos accurata et justa descriptione rerum, liberi iudicii

praestantia, ingenii usu et scientia perpoliti sollertia, atque simplice illo, quod veri plerumque indicium est, narrationis genere, cum gravitate atque venustate conjuncto.

Injusti atque nimis ad Pyrrhonismum, qui omnem historicam fidem evertit, propensi animi est, tam gravem auctorem sine certis argumentis fallaciae accusare. Non equidem negabo, Cyropaediam non ubivis veritatis iudicia prae se ferre, sed ficta illa personarum inductio facile explicatur ex consilio sapientissimi regis imaginem, atque optimam imperii gubernationem depingendi: quare non de historico, sed de philosopho hic iudicandum est (a).

Sed vide, quam absurdum sit cogitare, ejusmodi quid (b) sibi proposuisse Xenophontem in libro, quo calumnias in virum paulo ante damnatum atque mortuum refutare voluerit. Fingere impune fortasse tibi liceat in defensione, quidquid velis, nullius memoria jam refellente; sed si vivorum et praesentium, quos in sermonibus aut loquentes aut audientes inducis, memoriam testem citas, aut haec ficta iis cognoscenda edis, qui eum ipsum, quem defendis, saepe audierunt, quaenam, quaeso, tibi spes erit, fore, ut id, quod volueris, illis probes? Num Xenophontis tibi ingenio opus est, ut, intelligas, te talia agendo, maximo in periculo versari, ne facile fraudis convictus omnem defensionis vim tollas, atque animi
eorum

(a) Cic. in ep. ad Quint. fratrem Lib. I. Ep. I. 8. „Cyrus ille a Xenophonte, non ad historiae fidem scriptus, sed ad effugiem justī imperii: cujus summa gravitas, ab illo philosopho cum singulari comitate conjungitur — nullum est praetermissum, in iis officium diligentis et moderati imperii etc”.

(b) Hanc singularem opinionem lectoribus persuadere voluit Edwardus Edwards, Xenophontem in Memorabilibus philosophiae moralis ambitum disciplinamque complexum fuisse, prooemio summo a Socratis defensione. Verum refutatione hic nullo modo opus est, cum ex ipso libri argumento perspicue pateat, esse Socratis Apologiam, in quibus Xenophon ad singula accusationis capita respondet. Confer *Epilogum Memorabilium*. Lib. IV. Cap. VIII. § 11. ἐμὸς μὲν δὴ, τοιοῦτος ἦν, ὅσον ἐγὼ διήγγμαι etc., ubi brevis fit repetitio argumentorum, quae in Apologia Socratis tractata erant.

zorum qui te audiunt, aut tua legunt, contra atque optaveris afficiantur. Atqui si ii, qui temporum, locorum, hominum rationem non habent, inepti videri debent, profecto inepti defensoris nomen nequaquam effugere poteris.

Quid? Num Xenophonti soli, quid de illis artibus sensisset Socrates, notum erat? Nonne aliis etiam discipulis, non omnibus quicumque cum audiverant? — Nemini sane Atheniensium illum audiendi facultas non data fuit. Semper enim, ipso Xenophonte teste, in publico erat, in foro versabatur, in gymnasiis, in locis ad deambulandum opportunis, quo plurimi conveniebant, ubi, quicumque vellent, cum eo colloqui, aut de variis rebus eum disferentem audire poterant. Neque etiam unquam privatim quidquam exposuit, quod non itidem in publico, magna hominum frequentia, doceret.

Deinde si physicae atque astronomiae pia fraude, quod male ab Atheniensibus audirent hae artes, omnem ad Socratem aditum praecludit Xenophon, cur etiam Geometriae? quae, quod sciam, nunquam Atheorum procreatrix, morum, juvenumque corruptrix neque fuit, neque ab hominibus, sana mente praeditis, habita est.

Quid autem sit, quod auctoritate magistri suam sententiam defendi vehementer optaverit, non magis video, quam quod excusari voluerit suam ignorantiam earum rerum, quarum studium apud cives non modo nullo in honore, verum etiam in contemtionem esset, atque ex parte crimini daretur. Non scholam aperuit, non discipulos sibi comparavit, sed imperator patriae serviit, et quantum ipsi bellicae occupationes, quibus maxime delectabatur, tribuebant otii, ad res gestas populorum, celebriumque virorum literis custodiendas potissimum contulit (a). Quod si fingere pro libidine licuit, cur non de arte militari et historica disputantem frequentius induxit Socratem?

Quod

(a) Scripsit ad 40 libros, quorum maxima pars historici est argumenti. Lib. II. Seg. 56. 57.

Quod autem in iis artibus, quae eorum propriae sunt, qui spatium, atque quae in eo sunt, res naturales perscrutantur, rudis fuisse Xenophon dicitur, id haud scio an confirmet ea, quae disputavimus. Cur enim eas non didicit? Si voluntas defuit, quae probabilior ejus ignorantiae causa reddi potest, quam quod Socrates ipse illas neglexit, atque discipulum, qui eum maxime studebat aemulari (a), in earum contemtionem addoxit. Facultatem has artes discendi Xenophonti defuisse, vix credibile est.

Nemo fere mathematicorum scientiae, ait Cicero (b), vehementius studuisse videtur, quin quod voluerit consecutus sit.

Si quis autem est, qui haec Oratori Romano harum disciplinarum imperito non concedat, atque nimis infinitum et vagum putet, quod ita posuit, *quod voluerit*, licet hinc, quantumcunque ipsi videatur, circumcidat, tamen id mea sententia tenendum est, ad mediocrem harum artium scientiam non excellentiorem ingenio opus esse; neque esse dubitandum, quin Xenophon, si quidem in iis, adhibitis peritis doctoribus, elaborare voluisset, magnam earum vim, quantum id eo tempore liceret, scientia comprehendisset.

Quae hactenus disputavimus, etiamsi leviora videantur, tamen causam, ejus patrocinium suscepimus, probabilem, ut spero, reddiderunt. Graviores forsitan argumenta ab aliorum testimoniis petuntur. Quare age, interrogemus alterum testem Platonem; verum, antequam hoc aggredimur, ejus fides est inquirenda, quo certiores interrogandi, atque de iis, quae responderit, existinandi viam atque rationem ineamus.

II. PLATONIS AUCTORITAS.

Plato, quod inter omnes convenit, mirifica ingenii acie atque abundantia, summo philosophandi studio atque diligentia, maxima rerum, quas
cogno-

(a) LAËRTIUS Lib. II. 56. *Ξερόφων Σωκράτην ἐξήλωσε ἀκριβῶς*.

(b) DE ORAT. I. 3.

cognovit, docuit, literis mandavit, varietate et copia, singulari intelligendi et dicendi facultate, gravissima apud aequales atque posteros auctoritate (a) omnes Socratis discipulos facile superavit.

Ingenium illi fuit tam promptum atque versatile, ut ad quodcunque contemplationis genus accommodatum videretur. Nam in ea philosophiae parte, quae mores hominum spectat, dignus discipulus atque aemulus magis ri exstitit; in ea autem, quae animae deque naturam atque mundi originem investigare conatur, singularis conspicitur acies, atque subtilitas ingenii. Quod si in hoc metaphysicae curriculo minus prospere, quam optaverit, ad veritatem procescit, in rei naturam atque hominis conditionem non minus, quam in Platonem ipsum, culpa videtur esse conferenda.

Adolescentulus picturae, musicae atque poëticae non frustra operam dedit, quod non solum ex iis sermonibus, in quibus de his artibus disputat, verum etiam ex ipso scribendi genere, in quo interdum magis poëtam quam philosophum agnoscas, fatis apparet. Annos viginti natus, audito jam Cratylo, Heracliti sententias explicante (b), se in Socratis disciplinam tradidit, cui singulari amore, reverentia atque studio conjunctus fuit. Hoc autem novem post annis mortuo, se Megaram ad Euclidem contulit, qua commoratione Eleaticae philosophiae, quam sequebatur Euclides, pernoscendae ei facultas data est. Deinde ad Pythagoreos pro-

fe-

(a) BRUTUS C. 31. *Tuscul. Disput. Lib. I. Cap. 32 10. 17. de Nat. Deor. II. Cap. 12. PLIN. Hist. Natur. VII. Cap. 30 § 31.*

(b) DIOG. LAËRTIUS III 6. exis imare videtur, Platonem non prius quam post Socratis mortem Cratylo Heraclitio operam dedisse, „Σωκράτους δ' ἀποθάνοντος, „ προσείχε Κρατύλῳ τῷ Ἡρακλειτεῖ”. Ab eo dissenit APULEJUS admonens in libro de dogmat. Platonis. „ Et antea quidem Heracliti secta fuerat imbutus, verum cum se Socrati dedisset, non solum ingenio atque doctrina ceteros Socraticos vicit etc”. Haec Apuleji sententia graviore ARISTOTELIS, qui Platoni aequalis fuit, auctoritate fulcitur Nam in Lib. I. C. 6. *Metaph.* dicit. „ ἐκ νέου τε γάρ συγγενόμενος Πλάτων „ πρῶτον Κρατύλῳ, καὶ ταῖς Ἡρακλειτείοις δοξαίς” etc.

fectus est in Italiam, et Siciliam: Cyrenen item atque etiam in Aegyptum iter fecisse videtur.

Plato igitur post Socratis mortem, atque etiam antea, plures diversarum disciplinarum philosophos audivit *περί τῶν διαφωνῶν*, ut Heracliteorum, Eleaticorum atque Pythagoreorum mos erat, disputantes. Quorum ex fontibus cum non pauca in se derivaverit, longe aberres, si tantam sententiarum atque doctrinarum copiam, quam in scriptis reliquit, de Socratis praeceptis omnem hausisse eum credas. Magnam enim earum partem non solum a Socratis disciplina alienam, sed etiam a Socrate ipso reprobata fuisse, gravissimi auctores judicant. Satis distincte id docet CICERO (a).

„Cur Plato Aegyptum peragravit, ut a sacerdotibus barbaris numeros, et coelestia acciperet? Cur post Tarentum ad Archytam? Cur ad ceteros Pythagoreos, Echecratem, Timaeum, Acronem, Locros, ut cum Socratem expressisset, adjungeret Pythagoreorum disciplinam, *earumque quae Socrates repudiabat*, addiceret”. ARISTOTELES *Metaph.* Lib. I. C. 6. Conf. *Tusc. Disp.* I. 17.

Eodem modo QUINTILIANUS (b). „Plato non contentus disciplinis, quas praestare poterant Athenae, non Pythagoreorum, ad quos in Italiam navigarat, Aegypti quoque Sacerdotes adiit, atque eorum arcana perdidicit”.

Multam autem operam dedit Mathematicis et Astronomicis disciplinis: quod non mirandum est, quoniam Pythagorei, quorum scholis intererat, has arte sua complectebantur earumque usum vel multo latiore, quam solent nostri homines, statuebant. Numeris enim atque Geometriae problematis, in Cosmogonicis atque Metaphysicis quaestionibus, utebantur, neque fere rationem suae sententiae reddebant, nisi quod erat numeris aut de-

(a) De Finib. v. 29.

(b) Instit. I. Cap. 12. § 13.

descriptionibus explicandum: ex quibus numeris, atque Mathematicorum initiis proficisci volebant omnia (a).

Ut in Geometria proficeret, Cyrenen ad Theodorum Mathematicum (b), ut in Astronomia et Geometria, in Aegyptum (c) profectus esse videtur. Multo autem in iis artibus colendis ei adjumento fuit familiaritas cum Archyta, summo ejus temporis Mathematico, qui etiam Mechanicam atque Physicam exercebat (d).

Hunc tantum virum testem citavimus. Permulta de Socratis sententiis, disserendi atque docendi ratione scripsit. Si Apologiam atque epistolas excipimus, quaecunque de ejus operibus exstant, dialogorum formam habent, in quibus fere omnibus, ut primariarum partium actor Socrates ita exprimitur, ut non solum *περί τῶν ἀνθρώπων*, verum etiam *περί τῶν δαιμονίων* disputet, atque Parmenidem et Timaeum, aliosque metaphy-

ficos

(a) Tusc. Disp. I 33. Acad. Quaest. 4. 37. Jamblichus de vita Pythagorae Cap. 29. Laërtius 8 11. etc.

(b) Vide LAËRTIUM III. 6. — APULEJUS: „et quod Pythagoreorum ingenium adjutum aliis disciplinis sentiebat, ad Theodorum Cyrenas, ut Geometriam, disceret, est profectus”.

(c) Vide locum citatum pag. 38. CIC. de Finibus L. V. Cap. 29 atque etiam VALERIUM MAXIMUM VIII C. 7. „Aegyptum peragravit, dum a Sacerdotibus, ejus gentis Geometriae multiplices numeros atque coelestium observationum rationem, perciperet”. Pluribus etiam locis Aegyptiorum sapientia laudatur, atque non raro Graecorum ignorantiae opponitur apud PLATONEM ut v. c. de Legibus VII. atque in Timaeo.

(d) LAËRTIUS VIII. 83. Ἀρχύτας πρῶτος τὰ μηχανικά ταῖς μηχανικαῖς προσχερσάμενος ἀρχαῖς ἐμεθώδευσε, καὶ πρῶτος κινήσιν ὀργανικὴν διαγράμματος γεωμετρικῶν προσήγαγε etc. De eadem re foras se Favorinus, cuius verba citantur a GELLIO V. 12. Ἀρχύτας Ταραντῖνος, Φιλόσοφος ἄμα καὶ μηχανικὸς ὢν, ἐπόητε περιστέρων ξυλίνην πετομένην, ἥτις εἴποτε καλίστειεν, οὐκ ἐτι ἀνίστατο. ARISTOTELES Metaph. 8. Cap. 2, SIMPLICIUS in Physica Aristotelis p. 165. ARISTOTELES Probl. 16 § 10. unde patet Physicæ artem eum exerceuisse. Quantum fuerit in Geometria, etiam ex HOKAT. Lib. I. Od. 23. colligi potest.

ficas atque cosmogonicas quaestiones explicantes diligenter audiat, atque studiose; quod autem ad Physicam atque Astronomiam, earum artium infinitatem omnem peregrinari, neque ulla in extremitate consistere nonnumquam videatur.

Quamobrem, si hi sermones, aut saltem quae in iis referuntur, Socratis praecepta atque opiniones, non ficta sunt, longe aliter de eo, quod in nostra quaestione versatur, statuendum est, ac Xenophonte duce fecimus. Diligenter igitur Platoniorum sermonum fides examinari debet, quae cum aut testimoniis aliorum, aut argumentis e sermonibus ipsis petitis firmetur, vel debilitetur, primum veterum sententias in medio ponamus.

Examinantibus autem nobis veterum, qui de Socrate, Platone, Xenophonte scripserunt, testimonia, mirabile videri solet, neminem fuisse, qui id, quod quaerimus, quanquam in exponendis horum virorum sententiis maximi est momenti, atque primum omnium in deliberationem venire debet, satis accurate examinaret, atque pro certo affirmaret, utrum veri an ficti sint sermones; si ex parte ficti sunt, quinam ficti, quinam veri, quidnam in iis fictum sit, quid verum. Commune etiam, paucis exceptis, omnibus Graecis et Latinis auctoribus veteribus, qui nulla memoria teste, res gestas celebrium virorum et sententias tradunt, id vitium videtur, ut, quos secuti sint scriptores, non indicent, aut, si id faciunt, eorum fidem lectoribus non probent.

Cicero, quem honoris causa primo loco nomino, etsi Socratis aut Platonis historiam non scripsit, tamen, quoniam de iis, praesertim de Platone, quem summa admiratione prosequabatur, saepissime loquitur, in testimonium vocari commode potest. At vero in idem, quod ceteri, incidit vitium, tanto gravius, quod sibi ipse non satis convenire videtur. Cujus ut rationem reddamus, pauca hic afferre exempla liceat.

Quae in Apologia, Phaedone, Menone, Phaedro atque in libris de Republica, de animorum immortalitate disputantur, non Socratis, sed Platonis esse putantur. Etenim (Tusc. Disp. I. 17.) illam de immortalitate rationem in iis sermonibus explicatam interpretaturus, ita incipit:

AN-

„ Antiqui rationem sententiae suae non fere reddebant, nisi quid erat
 „ numeris aut descriptionibus explicandum. Platonem ferunt, ut Pytha-
 „ goreos cognosceret, in Italiam venisse, et didicisse Pythagorea omnia:
 „ primumque de animorum aeternitate non solum sensisse idem, quod
 „ Pythagoras, sed rationem etiam attulisse: quam, nisi quid dicis,
 „ praetermittamus, et hanc totam spem immortalitatis relinquamus”.
 Ad quae cum adolescens respondisset: „ Ain’ tu? Quum me in
 „ summam expectationem adduxeris, deferis? Errare, melhercule, malo
 „ cum Platone, quem tu quanti facias, scio, et quem ex tuo ore ad-
 „ miror, quam cum istis vera sentire”. Cicero, „ inacte virtute,
 „ inquit, ego enim ipse cum eodem ipso non invitus erraverim”.

Nullum verbum de Socrate in tota hac disputatione usque ad Cap. 22.
 Platoni et Pythagorae omnia tribuuntur, quos idem de immortalitate ani-
 morum sensisse, etiam Cap. 21. affirmat: „ Nec tamen mihi sane
 „ quidquam occurrit, cur non Pythagorae sit et Platonis vera sententia.
 „ Ut enim rationem Plato nullam afferret (vide, quid homini tribuam) ipsa
 „ auctoritate me frangeret: tot autem rationes attulit, ut velle ceteris,
 „ sibi certe persuasisse videatur”. Ergo non dubitandum est, quin
 quae Cap. 22. leguntur: „ Ex quo illa ratio nata est Platonis, quae
 „ a Socrate est in Phaedro explicata. Quod semper movetur, aeternum
 „ est etc.” sic intelligenda sint, non Socratis sed suam ipsius de animorum
 aeternitate sententiam Platonem in Phaedro exposuisse.

Eodem modo interpretemur. necesse est Cap. 24. ubi profecto parum
 accurate Socratis et Platonis nomina promiscue usurpantur. „ Animus
 „ habet primum memoriam, et eam infinitam, rerum innumerabilium:
 „ quam quidem *Plato recordationem esse vult* vitae superioris. Nam
 „ in illo libro, qui inscribitur Menon, *pulsionem quandam Socrates inter-*
 „ *rogat* quaedam geometrica etc. — *ex quo effici vult Socrates*, ut discere
 „ nihil aliud sit, nisi recordari: quem locum multo etiam accuratius *ex-*
 „ *plicat (Socrates)* in eo sermone (Phaedone) quem habuit eo ipse die,
 „ quo excelsit e vita. Docet enim, quemvis qui omnium etc. Quum-

„que nihil esset, *ut omnibus locis a Platone disseritur*, nihil enim ille
 „(Plato) putat esse, quod oriatur et intereat etc. — ita nihil aliud est
 „discere, nisi recordari”.

Si hic locus cum iis, quae citavimus, diligenter confertur, non uberiore
 explicatione opus est, ad demonstrandum, non veram sed fictam Socratis
 personam a Cicerone indicari. Quare idem est dicendum de loco Cap. 29.
 „His et talibus rationibus adductus Socrates, nec patronum quaesivit
 „ad iudicium capitis, et supremo vitae die de hoc ipso multa dis-
 „seruit: et paucis ante diebus, quum facile posset educi e custodia,
 „noluit; et quum paene in manu jam mortiferum illud teneret poculum,
 „locutus ita est, ut non ad mortem trudi, verum in coelum videretur
 „ascendere. *Ita enim censebat, duas esse vias, duplicesque cursus ani-*
 „*morum e corpore excedentium*” etc. ubi locus de immortalitate, qui
 est in Phaedone explicatus, strictim repetitur. Deinceps. Cap. 43.
 „De sepultura Socrates quid senserit, apparet in eo libro, in quo mo-
 „ritur: de quo jam tam multa diximus. Cum enim de immortalitate ani-
 „morum disputavisset et jam moriendi tempus urgeret, rogatus a Critone,
 „quemodmodum sepeliri vellet: multam vero, inquit, amici operam
 „frustra consumpsi etc”. Ejusdem generis est, quod ex Apologia Socra-
 tis refert Cap. 40. „Quae est igitur Socratis oratio, qua facit eum
 „Plato usum apud iudices jam morte multatum? Magna me, inquit,
 „spes tenet” etc.

Idem Cicero sentire videtur de Dialogis Gorgia atque Menexeno. Nam
 in libro de Oratore (α) Scaevola: „Sed ego, inquit, neque illis aspen-
 „tiebar, neque harum disputationum inventori, et principi longe omnium
 „in dicendo gravissimo et eloquentissimo Platoni, cujus tum Athenis
 „diligentius legi Gorgiam: quo in libro in hoc maxime admirabar Pla-
 „tonem, quod mihi in oratoribus irridendis, ipse esse orator summus
 vi-

„videbatur. Verbi enim controversia jam diu torquet Graeculos homines, contentionis cupidiores quam veritatis”. Ergo ob oratorum irrisionem non Socrates sed Plato reprehenditur. Atque in Disput. Tusc (a) „Zenonis sententiae gravitas a Platōis auctoritate repetatur, apud quem saepe haec oratio usurpata est, ut nihil praeter virtutem dicetur bonum: velut in Gorgia Socrates, quum esset ex eo quaesitum etc.— Quid vero? In Epitaphio quomodo idem? Nam cui viro, inquit, ex se ipso apta sunt omnia etc.” Tandem argumentationem his verbis concludit: „Ex hoc igitur Platonis quasi quodam sancto augustoque fonte, nostra omnis manabit oratio”.

Denique magna sententiarum copia, quas Socrates aut alii in dialogis exposuerunt, Platoni adsignatur: sic v. c. Vellejus (b) in Platonem invehit his verbis: „De Platonis inconstantia longum est dicere, qui in Timaeo, patrem hujus mundi nominari neget posse: in legum autem libris, quid sit omnino deus, anquiri oportere non censeat. Idem et in Timaeo dicit, et in legibus, et mundum deum esse, et coelum et astra, etc.” Profecto si aliorum tantummodo sententias Plato retulisset, inepta fuisset reprehensio.

Eodem modo, quae Parmenides de Ideis disputaverat, Platoni tribuuntur: „Has rerum formas appellat ideas ille non intelligendi solum, sed etiam dicendi gravissimus auctor et magister Plato, easque gigni negat, et ait semper esse, ac ratione et intelligentia contineri etc.” (c)

Ex his locis, quae memoravimus, id mea sententia efficitur, Cicero nem Platonicos dialogos, in quibus Socrates exprimitur, si non omni, at saltem magna ex parte, aut plane a Platone fictos esse existimasse, aut de eorum veritate dubitasse. Oratori autem, cui, si in utramque partem disputatur, vel ipsa dubitatio emolumento esse potest, quique, dummodo, quae dicat, diserta et probabilia videantur, rei ipsius veritatem minus curat, id lar-

gia-

(a) Lib V. 12.

(b) De Nat. Deor. Lib. I. 12.

(c) Orator. 3.

giamur, ut interdum magis fidenter, quam oporteat, sermonum veritatem affirmet (a). Dubitationis autem memorabile exemplum exstat in Libro de Orat (b), ubi Catulus: „ ipse ille Leontius Gorgias, inquit, quo pa-
 „ trono (ut Plato voluit) philosopho succubuit Orator, qui aut non est
 „ victus unquam a Socrate, *neque sermo ille Platonis verus est*: aut si
 „ est victus, eloquentior videlicet fuit, et disertior Socrates, et, ut tu
 „ appellas, copiosior et melior Orator”. Huc etiam referri potest de Orat. Lib. III. Cap. 4. „ Neque enim quisquam nostrum, cum
 „ libros Platonis mirabiliter scriptos legit, in quibus omnibus fere So-
 „ crates exprimitur, non, quanquam illa scripta sunt divinitus, tamen
 „ majus quidquam de illo, de quo scripta sunt, suspicatur etc.”

Alii auctores veteres, quorum scripta ad nostram memoriam pervenerunt, in eadem fere omnes sunt sententia. Nam aut de sermonum veritate dubitant, aut prorsus eam negant Aristoteles aliique nonnulli, qui Platoni fuerunt aequales, aut non ita multo post tempore floruerunt, quum, quae in dialogis expositae sunt sententiae, aut refutant, aut probant, non de Socratis sed de Platonis opinionibus disputare videntur. Attamen non inveni, ubi de eo, quod quaerimus, satis accurate agatur, certaue nobis argumenta suppeditentur. Plura autem, quae id spectant, Diogenes Laërtius

(a) Sic Crasus (de Orat. Lib. 3. Cap. 16.) Socratem *eloquentiae*, varietate, copia, *quam se cunq̃ue in partem dedisset*, omnium fuisse facile principem, verum (Lib. I. Cap. 54.) Antonius affirmat, *neque in eo a Crasso refutatur*, eum nullam aliam ob culpam *nisi propter dicendi inscientiam* damnatum fuisse. Verum Antonius non nisi forensam eloquentiam Socrati denegasse videtur, quod convenit cum iis, quae eodem capite narrantur, disertissimum oratorem Lyliam ei scriptam orationem attulisse, quam, si ei videretur, ediceret, ut ea pro se in iudicio uteretur, quod profecto non fecisset, si Socrates hujus forensis eloquentiae laude vizuisset. Sic inter se conciliari possunt haec loca, nisi obstat: *quam se cunq̃ue in partem dedisset*. Veritatem sermonum asserere videtur Cicero. Acad. Quaest. I. 4. atque Disput. Tusc. V. 4.

(b) Lib. III. 32.

tius atque Athenaeus collegerant. Verum hi auctores posterioris sunt aevi; quorum alter in libro de vita atque de sententiis philosophorum, sine iudicio atque ingenii acumine ea, quae incerta atque varia fama, atque a diversis auctoribus tradita erant, tam indiferte, confuse et permixte disperfit, ut non dubium sit, quin de eorum fide existimandi omnis ipsi facultas defuerit — alter autem, quanquam multo eloquentior, atque subtilior in Deipnosophistis omnia fatis discrete et electe digesfit, neque tam rumoribus quam rationibus pugnat, tamen studio partium, atque malevolentia in Platonem adductus, non raro, ubi vehementius in eum invehitur, calumniatoris magis quam accusatoris personam assumere videtur.

Plurimi ab utroque citantur auctores, quorum tamen maxima pars, quod dolendum est, nobis plane est incognita, ut, quam auctoritatem habeant, nullo modo definire possumus. Accedit etiam, ut, quo tempore floreret Academia, civile bellum inter philosophos, jam ab initio reipublicae litterariae gliscens, acerrime excandesceret, in quo inter alios excellerent Academici, qui omnes petentes, ab omnibus, ut sit, petebantur, ut incertum sit, num in tanto ardore belli, ubi maxima discordia diviserat animos, veritatis magis quam mendacii telis dimicatum sit. Quare caute procedendum, atque accurate inquirendum est, utrum partium an veritatis studium, in iis, quae commemorantur, plus valuerit: quanquam in his, aliisque ejusdem generis quaestionibus ad veritatis limina omnino penetrare vires propemodum superat. Propter caliginosam illam mediae aevi noctem cum tam multis, ad res investigandas necessariis, testimoniiis careamus, fatis magnum est, si id praestare possumus, ut quam proxime ad eam accedamus. Ut enim Academici vita, sic non raro antiquitatis studiosi iudicium, probabilibus regitur.

Cujus rei ut speciminen demus, Laërtius atque Athenaeus memoriae res tradiderunt, quae, si verae sunt, veritatem sermonum Platoniorum funditus tollunt. Prima est apud LAËRTIUM (a): „Ajunt Socratem,
 „ cura

(*) In vita Platonis Lib. III. 35.

„ cum Platonem, sermonem Lyfiden recitantem, audisset, per Herculem, „ dixisse, quam multa de me mentitus est hic adolescens”. Cui addit LAËRTIUS, „ non etiam pauca scripsit, quae Socrates non dixit”. Atque profecto, si vivo, si audiente Socrate, dialogum, in quo tam multa de eo mentitus esset, recitare non dubitavit, quid, quaeſo, dicendum est de eorum veritate, quos mortuo Socrate, auditis atque approbatis Pythagoreorum, Eleaticorum, aliorumque sententiis, composuerit? Verum unde haec fama? quam fidem meretur? Haec non curat Laërtius. Cur alii auctores, ut Athenaeus, qui in eandem sententiam disputant, nullam hujus rei faciunt mentionem, quandquam ad id, quod probare vellent, aptissima erat?

Altera est apud ΑΘΗΝΑΙΩΝ his verbis expressa: „ Socrates „ non illepide de Platone conjectans (στοχάζομενος) multis adstanti- „ bus, visus mihi est Plato per infomnium, dixit, in cornicem mu- „ tatus, quae capiti meo insiliens calvitium perfoderet, atque, sedem „ se occupatam firmiter tuens, circumcirca prospectaret (τὸ Φαλακρὸν μου „ κατασκαριφῆν, καὶ κρατεῖν περιβλέπουσιν). Quare existimo, multa „ te, Plato, adversus caput meum mentiri (a). Athenaeus haec in malevolentiam Platonis in Socratis discipulos dicta esse putat; verum, mea sententia, corruptio Socratis doctrinae, orta ex fictis Platonis sermonibus, in quibus ejus sententiae cum aliorum philosophorum sententiis miscentur, his verbis notatur.

Haec narratio eodem fere vitio, quo praecedens, laborat. Verisimile est, eam ab Hegesandro Delphensi proditam fuisse, quem initio ejusdem capitis memorat Athenaeus scripsisse Commentaria (ὑπομνήματα), in quibus disputeretur περὶ τῆς πρὸς πάντας τοῦ Πλάτωνος κακοηθείας. Verum neque a Laërtio, neque, quod sciam, si Athenaeum excipis, ab aliis antiquis scriptoribus de Hegesandro, aut de hoc somnio fit mentio.

Ter-

Tertia narratio ita refertur apud ATHENAEUM „ Alii dicunt, Gorgiam, postquam, qui ab eo nomen habet, sermonem legisset, iis, qui una adessent, dixisse, nihil istorum, quae a Platone narrata essent, se neque locutum fuisse, neque a Socrate audivisse. Quod idem Phaedo, lecto sermone de anima, dixisse fertur”. (a)

Athenaeus his narrationibus fidem tribuit, sed, quo jure, nescimus. Ejusdem generis sunt alia, quae ab eodem, atque a Laërtio traduntur. Quare jam dubiam famam, narratiunculasque, in quibus nulla est certa negandi aut assentiendi nota, relinquentes, rationis momenta quaeramus, quae forsitan, quid in iis probabile, aut non probabile sit, nobis indicabunt.

Primum, si a Socrate sermones habiti sunt, Plato, necesse est, aut ipse iis interfuerit, aut eos vel a magistro vel ab aliis testibus acceperit. At non nisi perpaucis ipse adesse potuit, ceterosque ipsi traditos fuisse, id neque verisimile est, neque ullo confirmatur testimonio (b); aut si factum sit, loci tantummodo atque sententiae disputationum tradita fuerint, ex quibus ille cetera fluxerit, aut certe adumbraverit. Xenophon contra, fere omnibus, quos conscripsit, sermonibus adesse potuit, quorum aliis se adfuisse, alios revera a Socrate habitos fuisse, declarat (c). Nihil ejusmodi apud Platonem, qui ne verbo quidem, aut se interfuisse, aut

ab

(a) Deipnos. XI. 113. p. 380.

(b) Excepto, si vis, sermone Theaeteto, si vera sunt, quae, initio hujus sermonis, de ejus origine narrantur.

(c) Ut Memorab. I. 3. § 8—14. ubi sermonem tradit, quem ipse cum Socrate habuerat. Sermoni Socratis cum Euthydemo se adfuisse narrat. L. IV. 3. § 2. De aliis frequenter dicit *οἶδα*, ut Memorab. III. 3. 1. IV. 4. 5. IV. 5. 2. Quibus autem non ipse adfuerat, eos ab aliis se accepisse testatur, ut IV. 8. 4. atque I. 3. 1. affirmat.
 „ ὥς δὲ δὴ καὶ ὠφελεῖν ἐδόκει μοι τοὺς ξυνόντας, τὰ μὲν ἔργα δεικνύων ἑαυτὸ
 „ οἷος ἦν, τὰ δὲ καὶ διαλεγόμενος, τούτων δὴ γράψω ὅποσα αὖ διαμνημονεύεσθαι”.

ab aliis audivisse commemorat. In Phaedone tantum, atque in Apologia, obiter de se mentionem facit (a).

Deinde quaeri potest, quidnam sit, cur, cum tot sermones, quos accurate et vere describendi non data esset facultas, memoriae prodiderit, eos plane reliquerit, quos ipse cum Socrate contulisset, atque fere ad verbum exprimere potuisset? Cur in tanta disputationum atque rerum varietate et copia fere nulla fiat mentio de iis, in quibus Xenophon, Aeschines, Antisthenes, Aristippus, alique, qui priores partes tenebant, condiscipuli fuerant interlocutores? Nam, si excipimus sermones, qui inscribuntur Phaedon et Convivium, Critoni, Chaerephonti, Alcibiadi, Glauconi paene solae partes dedit, etiamsi sine dubio plurimum omnium cum discipulis disseruit Socrates. Ex triginta sermonibus, quos nobis tradidit Xenophon in Memorabilibus, xvi sunt, in quibus Socrates cum Xenophonte ipso, Aristodemo, Aristippo, Glaucone, Diodoro, Chaerephonte, Critobulo, Critone, Epigene Euthydemo, Antisthene, aliisque discipulis colloquens inducitur.

Ex his, quae diximus, collatis cum iis, quae de odio Platonis in Socratis discipulos ab Athenaeo, Laërtio, aliisque narrantur, quorum tamen major pars merae sunt calumniae, nec nisi opinionum diversitatem indicant, verisimile sit, quandam simultatem atque aemulationem existisse inter Platonem atque plurimos ejus condiscipulos, quod ex diversa animi indole, opinione, atque vitae ratione, explicare non difficile est (b). Quae simul-

(a) In Phaedone Phaedo, „ Πλάτων δὲ οἶμαι, inquit, ἔσθ' ἐναι". In Apologia Socrates multos familiares nominatim citans „ ὅδε τε Ἀδείμαντος, inquit, ἰ „ Ἀριστωνος, οὗ ἀδελφὸς οὐτοσί Πλάτων § 22: atque § 29, Πλάτων δὲ ὅδε, „ καὶ Κρίτων — κελεύουσί με τριάκοντα μὲν εἰς τιμῆσαισθαι".

(b) Huc pertinet narratio Pontiani apud Athenaeum Deipnos. XI 116. „ ἔδοκει „ γὰρ Πλάτων φθονεῖν εἶναι, καὶ κατὰ τὸ ἥϊος οὐδαμῶς εὐδοκίμεῖν καὶ γὰρ „ Ἀρί-

simultas fortassis in sermonibus conscribendis, atque partibus distribuendis non minimi fuit momenti; ut non plane a veritate abhorreant, quae apud LAËRTIUM narrantur, non Critonem, sed Aeschinem Socrati, ut e custodia aufugeret, suasisse; sed Platonem ex odio in Aeschinem in sermone περὶ πράκτου ejus partes Critoni de-

„ Αρίστιππον πρὸς Διονύσιον ἀποδημήσαντα ἔσκαπτεν, αὐτὸς τρεῖς εἰς Σικελίαν
 „ ἐκπλεύσας — Αἰσχίνου τε πέννυτος ὄντος, καὶ μαθητὴν ἕνα ἔχοντος Ξενοκράτην.
 „ τοῦτον περιέσπασεν· καὶ Φαίδωνι δὲ τὴν τῆς δουλείας ἐφιστὰς δίκην ἐΦωρᾶσθαι
 „ καὶ τὸ καθόλου πᾶσι τοῖς Σωκράτους μαθηταῖς ἐπεφύκει μητρυῖας ἔχων
 „ διάθεσιν”. Laërtius III. 36. etiam de hac Platonis erga Aristippum atque Aeschinem malevolentia memorat. „ εἶχε δὲ φιλέχθρως ὁ Πλάτων καὶ πρὸς Αἰρίστιππον. ἐπὶ
 „ γοῦν τῷ περὶ ψυχῆς διαβάλλων αὐτὸν Φησὶν, ὅτι οὐ παρεγένετο Σωκράτης
 „ τελευτῶντι, ἀλλ’ ἐν Αἰγίνῃ ἦν καὶ σύνεγγυς”. Verum quaeritur hoc loco num abfuerit Aristippus nec ne? Si abfuit, neque calumnia, neque malevolentia adparet in Platonis narratione. Athenaeus etiam refert (XII. 63). „ διέτριβεν δ’ ὁ Αἰρίστιππος
 „ τὰ πόλλα ἐν Αἰγίνῃ τρυφῶν”. Auctor libelli περὶ ἑρμηνείας hunc locum examinavit atque optime observat τοῦ πράκματος αὐτοῦ ἐμφαίνοντος τὸ δεινὸν οὐχὶ τοῦ λέγοντος. Eodem loco de Aeschine narrat Laërtius. „ Καὶ πρὸς Αἰσχίνην
 „ δὲ τινα φιλοτιμίαν εἶχε (ὁ Πλάτων). Φασὶ δ’ ὅτι δῆπερ καὶ αὐτὸς
 „ εὐδοκίμει παρὰ Διονυσίῳ· ὃν ἐλθόντα δι’ ἀπορίαν, ὑπὸ μὲν Πλάτωνος
 „ παροφθῆναι, ὑπὸ δὲ Αἰρίστιππου συσταθῆναι”. Eadem repetit Laërtius in vita Aeschinis II. 61. Plutarchus contra sermonem narrat a Platone, ut Aeschinem Dionysio probaret, habitum, qui sermo sinceræ amicitiae profectio documentum est. Haec autem Platonis malevolentia, ut narrat, condiscipulorum edium excitavit. Apollodorus in convivio proficietur, se libentius a Socrate veneni calicem accepturum esse, quam Platonis propinationem. Antisthenes eum appellat Sathonem, atque dialogum edidit, cui illud nomen inscriptum est. Vide Athenaeum XII. 116. 115. V. 62. Laërtius III. 35.

dedisse (a). Nusquam certe apparent vestigia alicujus benevolentiae inter Platoneum, et Xenophontem (b). Alter contra id, quod ab altero literis mandatum erat, libenter dicere videtur (c). Plato de Xenophonte nusquam facit mentionem, ne in Phaedone quidem, ubi memorat eos, qui morienti Socrati non adfuerant. Xenophon de Platone semel tantummodo

(a) In vita Platonis III. 56. Idem repetit LAËRTIUS in vita Aeschines II. 60, atque causam adjungit: ὅτι ἦν (Aeschines) Ἀριστίππῳ (cui Plato inimicus erat) φίλος. In vita quoque Socratis II. 35. Socratem tradit in carcere non Critoni, sed Aeschini dixisse: „Tertio post die se morituum esse”.

(b) Idem Pontianus apud Athenaeum XI. 112. refert: „τάχα Φιλονείκως εἶχον „ἀρχῆθεν ἑαυτοὺς οἱ ἄνδρες οὗτοι (Plato et Xenophon) αἰσθόμενοι τῆς ἰδίας „ἐκείνου ἀρετῆς, καὶ ἴσως καὶ περὶ πρωτείων διεφέροντο. Laërtius II. 57. „ἐκαλεῖτο δὲ καὶ (Xenophon) Ἀττικὴ μοῦσα, γλυκύτητι τῆς ἐρμηνείας ὕδεν „καὶ πρὸς ἀλλήλους ζηλοτύπως εἶχον αὐτὸς τε καὶ Πλάτων”. Verum hae merae conjecturae esse videntur.

(c) Ex his maxime similitudinem inter Xenophontem collegerunt Athenaeus, Laërtius, Gellius, aliique. Ita enim pergit Pontianus apud Athenaeum XI. 112 „Οὐ μόνον „ἐξ ὧν περὶ Κύρου εἰρήκασιν τεκμαιρομένοις ἡμῶν, ἀλλὰ καὶ ἐκ τῶν αὐτῶν „ὑποθέσεων” συμπίπτει μὲν γὰρ γεγραφάσιν ἀμφοτέροις, καὶ ὁ μὲν ὡς πρόκειται, „παραιτεῖται πίνειν μεγάλους ποτηρίοις, ὁ δὲ τὸν Σωκράτην παράγει „τῷ ψυκτῆρι πίνοντα μέχρι τῆς ἑῷ”. (Haec parvi profecto momenti sunt. Plato ipse maxime in temulentiam invehitur, ut ipse Athenaeus X. 39. testatur) — „Καὶ „περὶ τοῦ Κύρου οὗν ὁ μὲν Ξενοφῶν λέγει ὡς ἐκ πρώτης ἡλικίας ἐπαιδευτο „πάντα τὰ πατρία. ὁ δὲ Πλάτων, ὥσπερ ἐναντιούμενος ἐν τρίτῳ νόμῳ Φησὶ „(p. 142. ed. Bip.) μαντεύομαι δὲ περὶ Κύρου, τὰ μὲν ἄλλα στατηγὸν αὐτοῦ „ἀγαθὸν εἶναι καὶ φιλόπολιν, παιδείας δὲ ὁρῆς οὐδὲ ἡφίαι τό παράπαν” etc. Sane, quae Plato de Cyro narrat, profus contraria sunt iis, quae Xenophon in Cyropaedia refert. Plato magis ad veritatem locutus esse videtur. Vide quae notavimus pag. 180. In eandem sententiam disputat Gellius XIV. 3. cuius verba addere liceat. „Id etiam „esse non sinceræ atque amicæ voluntatē crediderunt, quod Xenophon inelyto illi „operi

modo, et in laudem (a); quanquam Lib. I. 2. 48. Memorab. peropportuna erat occasio, eum nominandi, sed rejicit eum ad ceteros, et si Plato, credo, jam eo tempore celebrior erat sex illis discipulis, quorum nomina ibi appellantur (b).

Athenaeus etiam accusat Platonem, quod eos loquentes induxerit, quibuscum, temporum atque locorum ratione habita, Socrates colloqui non potuerit. Quae accusatio si vera est, sermonum veritatem atque fidem profecto tollit: in quo tamen id mirum videri potest, Platonem, quem haudquaquam fugere posset, quo tempore ii, quos cum Socrate disferentes facit, vixerint, aut ubi degerint, in fingendis sermonibus in id vitium incidisse.

Primum Anachronismum notat ATHENAEUS (c) in Parmenide, affirmans, Socratem cum Parmenide vix per aetatem colloqui potuisse, nedum vel tales dicere, vel ab illo audire sermones. Argumenta non adjunxit.

DIOGENES LAËRTIUS (d) narrat, Parmenidem floruisse Olymp. LXIX. atque alio loco (e), Apollodori in Chronicis atque Demetrii Phalerei aucto-

„ operi Platonis, quod de optimo statu reipublicae civitatisque administrandae scriptum
 „ est, lectis ex eo duobus fere libris qui primi in vulgus exierant, opposuit contra,
 „ scripsitque diversum regiae administrationis genus, quod *παίδειας Κόρον* inscriptum
 „ est. Eo facto scriptoque ejus usque adeo permotum esse Platonem ferunt, ut quodam
 „ in libro (de Legibus III.) mentione Cyri regis habita, retractandi levandique ejus operis
 „ gratia, virum quidem Cyrus gnavum et strenuum, caet.” Idem breviter commemorat
 Laërtius III. 34. Ad haec etiam ab Athenaeo l. c. refertur diversam de Menone Thes-
 salo Xenophontis et Platonis judicium.

(a) Memorabil. III. 6. 1.

(b) Idem notat ATHENAEUS. Lib. XI. 112. atque LAËRTIUS in *vita Platonis*.
 Lib. III. 34.

(c) Lib. XI. 113.

(d) Lib. IX. 23.

(e) Lib. II. 44.

auctoritatem secutus, Socratem natum fuisse Olymp. LXXVII. anno quarto. In Parmenide autem (a) Pythodorus testatur, Parmenidem jam admodum senem atque canum, annos ferme LX aetatis, Zenonemque paene XL agentem, Athenas venisse, atque cum Socrate admodum juvene (σφῆδρα νέω) in disputationem venisse. Demus igitur, Socratem eo tempore XVI annos natum fuisse (minorem ponere aetatem non licet, cum hac ipsa aetate, quas ei partes Plato dedit, vix agere potuerit) ex quo efficitur, ut sermo habitus fuerit LXXXI Olympiadis anno quarto, sed Parmenides, natus Olympiadis LXV anno tertio, jam floreret annos agens octodecim, quod quidem, quamvis aetas, in quam incidere solet doctrinae laus atque fama, in aliis alia sit, vix verisimile est. Sed fortasse ejus aetatem, quam *περὶ ἐτη μάλιστα πέντε καὶ ἐξήκοντα* dicit, non satis accurate notavit Pythodorus, atque senectuti viri (b), qui *εὖ μάλα ἤδη πρεσβύτης σφῆδρα πόλιος* esset, quinque annos addere licet, unde sequatur, eum annos XXIII natum jam floruisse, quod magis probabile est. Quamobrem, etiam si Laërtius et Apollodorus vera dicunt, non tamen satis aequum videtur, Platonem hic Anachronismi accusare, praesertim cum aliis etiam locis de eodem sermone commemorantem, atque idem de sua, Parmenidisque aetate repetentem inducat Socratem (c). Quod ad Zenonem attinet, LAËRTIUS (d) narrat, eum floruisse Olymp. LXXIX, atque Suidas, eum Xenophanis aut Parmenidis discipulum fuisse Olymp. LXXVIII. Quorum et Platonis testimonio, Zeno natus fuit Olymp. LXXI anno quarto, floruit annos agens XXIX, Parmenidem audivit XXV aetatis anno, quod a vero non videtur esse alienum.

Alius

(a) Pag. 72. edit. Bip.

(b) CASAUBONUS ad hunc Athenaei locum notat: „Auctore Diogene Laërtio „Parmenides florebat circa tempora Olympiadis LXIX. jam grandis natu et πᾶσαι ἀνδράδεις”. Posteriora verba apud Laërtium frustra quaesivi.

(c) Uti in Theaeteto pag. 138. atque in Sophista p. 202.

(d) In vita Zenonis IX. 29.

Alius Anachronismus ab ATHENAEO (*a*) notatus est in Phaedro. Non enim fieri posse existimat, ut Socratis aetate Phaedrus vixerit, nedum ut illius fuerit amicus.

Hac in re, cum certis testimoniis prorsus careamus, quid verum sit, vix liquet. Laërtius (*b*) narrat, a nonnullis dici, Platonem Phaedri amore fuisse captum, atque etiam versus Platonis in Phaedrum citat, quos Apulejus Latine reddidit. Ex his, si vera sunt, patet fieri posse, ut Socratis aetate Phaedrus vixerit, praesertim cum idem Laërtius (*c*) atque etiam Olympiodorus (*d*), famae assentientes, commemorent, Phaedrum fuisse primum sermonem a Platone conscriptum.

Verum disputatio nostra modum excederet, si enumerare atque examinare velimus alia, in Platonis sermonibus contra temporum atque locorum rationem ab Athenaeo adnotata vitia, in quibus difficile videtur, Platonem, aut, ut accuratius dicam, (nam forsitan id sibi in fictione licere putavit) sermonum ejus fidem defendere. Perobscura sane est quaestio de his Anachronismis, tum quod ex iisdem fontibus, unde hausit Athenaeus, argumenta nobis petere rarius licet, tum quod Deipnosophistarum etiam libris non parum emendatrice manu opus est, neque etiam Casauboni adnotationes, quamvis illae doctissimae sint, multaeque accuratius explicant, huic malo prorsus mederi videntur (*e*).
Sunt

(*a*) Lib. XI. 113.

(*b*) In vita Platonis III. 29. 31.

(*c*) Lib. III. 38.

(*d*) In vita Platonis p. 584.

(*e*) Non tamen alienum a nostra quaestione videtur, caetera, quae Athenaeus observavit, leviter attingere. In Protagora Socrates cuidam ex familiaribus narrat, ad se venisse, superiori nocte ante lucis exortum, Hippocratem. Apollodori filium, sibi nuntiasse, Protagoram denuo Athenas venisse, qui illuc primum accessisset cum puer esset Hippocrates; se cum Hippocrate adisse domum Calliae Hipponici filii, atque ibi convenisse Protagoram magna hominum turba stipatum, tam civium quam peregrinorum, inter quos

Sunt etiam alii scriptores veteres, qui in Platonis sermonibus idem vitium animadvertant, ut Aristides in Apologia communi, et Macrobius in

52-

Callias, Hipponici filius, atque ejus germanus ex matre Para'us, Pericle natus, et Charmides atque Xantippos, alter Periclis filius, Alcibiades, Hippias Eliensis, Prodicus Chius, caet.

ATHENAEUS Lib. V. Cap. 59. p. 339 hujus dialogi anachronismos in hunc fere modum docet. Hipponicus Calliae pater mortem tum subierat, haud multo ante quam Eupolis, Olymp. LXXXIX anno tertio, Alcaeo Archonte, Adulatores in scenam duceret, In hac fabula etiam de Protagora, Athenis versante, mentio fit. Biennio prius, Olymp. LXXXIX anno primo, Ameipias Connum fabulam in scenam produxit, in qua tamen Protagoram in Sophistarum choro non recenset. (hinc autem non optimo jure concluditur, Protagoram tum Athenis non fuisse) Liqueat igitur (non satis) Protagoram intra haec tempora (intra Olymp. LXXXIX annum tertium et annum primum) Athenas iterum venisse.

In Protagora autem Socrates memorat, Pherecratem anno superiore in scenam produxisse homines agrestes et feros. Id autem factum fuisse constat sub Archonte Aristione Olymp. LXXXIX anno quarto. Successio enim Archontum fuit Isarchus (Olymp. LXXXIX anno primo) Aminias (anno II.) Alcaeus (anno III.) Aristion (anno IV.) Astyphilus (Olymp. XC anno primo). Hinc sequitur, sermonem habitum fuisse Astyphilo Archonte Olymp. XC anno I.) atque, cum id fieri non potuerit, Platonem contra temporis rationem praecasse. Deinde non verisimile est, Hippiam Eleum cum nonnullis e suis popularibus, aliosque peregrinos, quos Protagoras congregasset, tuto Athenis versari potuisse, nisi annuis induciis, Archonte Isarcho, conclusis.

Denique Lib. XI. 133. observat, Paralum et Xantippum, Periclis filios cum Protagora eo tempore colloqui non potuisse, quoniam saeviente peste jam in vivis esse defierant. Pestis, qua mortui sunt, grassabatur Olymp. LXXXVII anno secundo. Macrobius in Saturn. L. I. *idem notavit.*

In dialogo Gorgia etiam Anachronismum animadvertit **ATHENAEUS** Lib. V. 58. Sermo ibi est de Archelao, tanquam eo tempore Macedoniae regnum tenente, atque de Pericle nuper mortuo, quanquam Pericles jam plures annos, antequam Archelaus regnum obtineret, mortuus esset. Bene Athexaeum refutavit Casaubonus in notis ad hunc locum p. 235. etc. quem vide. — Conf. Bayle Diction. voce **ARCHELAUS** p. 292. Caetera, quae minoris sunt momenti, praeterco.

Saturnalibus. Macrobius forsitan ob oculos habuit, quae ab Athenaeo narrantur, aut uterque eundem auctorem, cujus scripta perierunt, secutus est.

Verum, quod maxime rem causamque continet, Platonicus ille Socrates nequaquam sui similis est. Aliud alias iisdem de rebus sentire et judicare videtur, valde diversus ab eo, quem Cicero non tum hoc, tum illud; sed idem semper dixisse narrat. Modo enim dubitat, modo affirmat; modo se nihil scire profitetur, modo magnam vim atque copiam rerum maximarum arte sua complectitur; modo Heracliteorum, Pythagoreorum, aliorumque de immortalitate animorum, de causa atque ratione mundi, de natura deorum sententias tanquam insanas, commenticiasque refutat, atque irridet; modo eas studiose cum assensu audit, quin eas approbans atque exponens ipse reconditissimos fontes consecrari, summusque earum rerum subtilium venator esse videtur. Atque idem est dicendum de illa arte, quam obstetricis vocat, qua se praecipue delectari, qua sola pollere se declarat. Saepe enim longam atque continentem orationem vel ipse profert, vel libenter audit et studiosè. Ne hoc iudicium levius, atque iniquius habeatur, quasdam rationes e sermonibus petitas, quibus id confirmetur, in medium expromamus.

Socrates apud Platonem aeternitatem animorum probare variis quidem modis tentavit, sed argumenta, plura enim conquisivit, ex parte leviora atque subtiliora sunt, quam ut credibile sit, Socratem, qui alias id demonstrandi genus saepe irrideat, iis tantam fidem tribuisse, quantam in Phaedone, Phaedro, Menone, in Republica aliisque sermonibus tribuisse videatur.

Prior immortalitatis ratio eo nititur principio, contraria ex contrariis semper fieri (a). Ex eo fidenter concludit in Phaedone (b).

Satis

(a) Ἐξ ἐναντίας τὰ ἐναντία πράγματα γίνεσθαι.

(b) Pag 116.

„Satis-igitur id nobis constat, omnia sic fieri, ex contrariis contraria”.
 Atque deinde: „Revera ubique necesse est, omnia ita fiant, ex con-
 trariis contraria, atque generatio sit utriusque vicissim in alterum (a).
 Tum (b) id ad mortem, vitamque referens: „Ergo hac etiam
 ratione adductis id nobis convenit, *viventes e mortuis fieri, non
 minus, quam mortuos e viventibus, atque id cum ita sit, suffi-
 cientem conjecturam nos habere, mortuorum animae necesse esse
 alicubi sint, unde reviviscant*”. Quid autem fidentius dici potest,
 quam id, quo hanc concludit argumentationem: „Ita certissime,
 ut mihi videtur, res se habet, neque nos haec ipsa, quasi decepti,
 professi sumus. Sed revera reviviscentia est, e mortuis viventes fiunt,
 mortuorum supersunt animae, atque bonis melius est, malis vero
 pejus”.

Non minus fidenter ad demonstrandum, animos permanere post mor-
 tem, usus est in Phaedone (c) illa ratione, disciplinam nostram non nisi
 reminiscentiam esse, unde conclusit, *memoriam infinitam rerum innu-
 merabilium, quam habet animus, recordationem esse vitae superioris,
 neque nos res discere, sed reminiscendo recognoscere (d)*. Haec
 ratio, quae, ut verisimile est, ex Pythagorica fluxit schola, etiam
 aliis sermonibus fusius explicatur (e). Neque minorem auctoritatem
 aliis tribuit argumentis, ut in Phaedone, *animi naturam esse
 simplicem*, quanquam tantum abest, ut id ipsum probabile red-
 dere conatus sit, ut in Republica (f), animam esse simplicem
 ex

(a) Γένεσιν εἶναι ἐκαστέρου εἰς ἄλληλα.

(b) Pag. 163.

(c) Pag. 165—176.

(d) Ἡ μάθησις οὐκ ἄλλο τι ἐστίν, ἢ ἀνάμνησις”.

(e) Ut in Menone p. 851, Conf. Cic. Disput. Tusc. I. 17. 24.

(f) X. 516.

ex immortalitate, concludat; — tum in Phaedone (a) *mortem esse contrariam animae*; — in Phaedro *animam per se ipsam moveri* (b), atque denique in libro de Republica X., *animam nullo prorsus malo, neque proprio, neque alieno, exstingui*.

Verum, quam vim haec argumenta habeant, id nunc non agitur. Certum est, ea ex parte ab illo philosophandi genere profecta fuisse, quod Socrati, si Xenophontem audimus, atque Platonem ipsum aliis locis, minime probaretur. Praeterea nullus dubito, quin, quicumque Phaedonem, Phaedrum, aliosque sermones, ubi Metaphysicam palaestram ingreditur Socrates, attente perlegerit, quanquam multa egregia, atque Socrate digna non sine summa voluptate, atque maximo fructu perceperit, idem tamen alia, neque ea pauca, sibi occurrisset, confesurus sit, quae gravem et modestam Socratis parum referant disciplinam. Ejus generis mihi videtur esse colloquium Socratis cum Cebete in Phaedone (c). „ Num anima, quidquid occupat, semper illi vitam affert? affert sane. „ Num aliquid vitae contrarium est? est. Quidnam est? mors. Anima „ igitur contrarium ejus, quod ipsa semper affert, nunquam suscipit, „ quamadmodum ex superioribus concessum est? Profecto. Sed quo „ modo id appellamus, quod mortem non suscipit? immortale. Atque „ anima mortem non suscipit? non. Ergo anima est immortalis? est. „ Num hoc jam demonstratum dicemus? (sufficientissime).

Si-

(a) Pag. 227—242.

(b) Quod Cicero expresit Tusc. Disp. I. Cap. 23. Orator. Cap. 4. 12. 13.

(c) Pag. 239.

Similis est argumentatio, quae alio loco concluditur (a). SOCRATES.
 „ Si quid ejusmodi est in rerum natura, cui malum fit, quod deterius
 „ ipsum efficere, non dissolvere valeat, nonne ex eo scimus, ipsi
 „ nullum esse posse interitum. GLAUCO. Consentaneum est. S.
 „ Num quidquam est, quod animum pejorem reddat? G. Maxime
 „ vero: injustitia, intemperantia, timiditas, inscientia. S. An quidquam
 „ horum animam perdit? G. Nullo modo. S. At vero absurdum est, ut
 „ alieno vitio interimatur aliquid, cui proprium vitium non afferat interi-
 „ tum. G. Absurdum sane”. etc.

Satis profecto faciles in assentiendo se praebent Cebes et Glauco, neque ratio apparet, quam sequi solet magister, qui, ut ipse de se in MENONE profitetur, maxime dubitans, dubitare alios quoque faciat (b), aut qui in APOLOGIA de eadem re, tam saepe, tot argumentis, tam adseveranter demonstrata, adhuc dubitare videatur (c).

Num agnoscimus Socratem, cum de opinionibus incertis et vanis, tanquam de rebus perspectis aut veri similibus disputat, ut in PHAEDONE (d);
 ubi

(a) De Republica X. 315.

(b) Meno Socrati, ἀπορεῖς, inquit, καὶ τοὺς ἄλλους ποιεῖς ἀπορεῖν, ἰpsique consentit Socrates ipse. In Theaeteto narrat Socrates, λέγουσι περὶ ἐμοῦ, ὅτι δὲ ἀποπώτατος εἰμι, καὶ ποιῶ τοὺς ἀνθρώπους ἀπορεῖν (p. 149.)

(c) Atque suum illud, nihil ut affirmet, tenet ad extremum. Disp. Tuscul. I. 42.

(d) Pag 184. SOCRATES Ἐμβριθεὶς δέ γε, ὦ φίλε, τοῦτο οἷσθαι χρὴ εἶναι, καὶ βαρὺ, καὶ γεῶδες, καὶ δρατὸν· ὃ δὴ καὶ ἔχουσα ἡ τοιαύτη ψυχὴ, βαρύνεται τε καὶ ἔλκεται πάλιν εἰς τὸν δρατὸν τόπον, φόβῳ τοῦ ἀειδοῦς τε καὶ ἔδῳ, ὥσπερ λέγεται, περὶ τῶ μνήματός τε καὶ τοῦς τάφους κλινδουμένη· περὶ ἧ δὴ καὶ

ubi de anima, quae polluta atque impura e corpore excesserit, sic agitur, ut poëtam ludentem magis, quam philosophum serio loquentem audire credas.

Neque etiam Socrates, si Platoni credimus, ab aliis philosophiae, quam contemplativam vocant, locis perquirendis alienus fuit, imo certiorē in iis, quam pro ejus disciplinae ratione, notitiam rei quaesivit, atque invenisse putavit. Ita in PHAEDRO de deorum atque animarum vita atque natura subtiliter, atque interdum mystice disputat. In PHILEBO τὸ πέρας, τὸ ἄπειρον, τὸ κοινὸν, καὶ τῆς αἰτίας γένος atque naturam deorum fusius inquit. In PARMENIDE neque Zenoni, unum esse in sensibilibus disputanti, neque Parmenidi, idearum rationem explicanti repugnare, sed potius assentiri videtur. In TIMAEO longam atque continentem

ora-

καὶ ἄφθι ἀττα ψυχῶν σικεῖδη. Φαντάσματα, ὅα παρέχονται αἱ τοιαῦται ψυχαὶ εἰδῶλα, αἱ μὴ καθαρῶς ἀπολυθεῖσαι, ἀλλὰ τοῦ ὁρατοῦ μετέχουσιν· διδὲ καὶ ὁρῶνται· CEBES. Εἰκὸς γε, ὦ Σώκράτης. SOCRATES. Εἰκὸς μέντοι, ὦ Κέβης. Καὶ οὐτέ γε τὰ τῶν ἀγαθῶν ταύτας εἶναι, ἀλλὰ τὰς τῶν φαύλων, αἱ περὶ τὰ τοιαῦτα ἀναγκάζονται πλανᾶσθαι, δίκην τίνεσθαι τῆς προτέρας τροφῆς, κακῆς οὐσης, καὶ μέχρι γε τούτου πλανῶνται ἕως ἂν τῇ τοῦ ξυμπακολουθοῦντος τοῦ σώματος εἰδοῦς ἐπιθυμίᾳ πάλιν ἐνδεθῶσιν εἰς σῶμα· ἐνδύνται δέ, ὥσπερ εἰκὸς, εἰς τὰ τοιαῦτα ἥδη ὅποια ἄττ' ἂν καὶ μεμελετηκυῖαι τύχωσιν ἐν τῷ βίῳ. CEBES. Τὰ ποῖα δὲ ταῦτα λέγεις, ὦ Σώκράτης; SOCRATES. Οἶον, τοὺς μὲν γαστριμαργίας τε καὶ ὕβρεις καὶ φιλοτισίας μεμελετηκότας, καὶ μὴ διευλαβημένους εἰς τὰ τῶν ὄνων γένη καὶ τῶν τοιούτων θηρίων εἰκὸς ἐνδεσθαι. κ. τ. λ. Eodem modo Socrates luporum, accipitrum, milvorum formas tyrannis et furibus dispertit, animantium autem socialium atque mitiorum, ut apum, vesparum, formicarum formam illis, qui ex consuetudine atque exercitatione, sed sine philosophiae praeceptis atque disciplina (ἐξ ἔθους τε καὶ μελέτης γεγυνοῖαν, ἄνευ φιλοσοφίας τε καὶ νοῦ) exercuerunt. Philosophi soli ab hac ingrata societate, foedislimae concretionis segregantur, atque in libertatem vindicantur. In eandem sententiam disputat Phaedro 320—326.

orationem de mundo, ejusque origine, mythis refertam, cum delectatione atque asensu se audire proficitur (a). Quibus sermonibus lectis, quis non miretur, eundem Socratem in Apologia, atque etiam aliis sermonibus, ejusmodi quaestiones tanquam vanas atque inutiles irridere, aut de iis quidquam se scire prorsus negare?

Pluribus deinde sermonibus sophistarum imperitia, ostentatio, atque ineptiae *Socrati Platonico* ludibrio sunt. Verum in illis castigandis atque illudendis saepe eo progressus est, ut non inepti, vani, sed delirantes esse videantur, adeo ut nequaquam verisimile sit, eos, qui sanae mentis essent, liberos suos, aut se ipsos instruendos illis dedisse. Num credibile est, ne pluribus utamur exemplis, Gorgiam, cujus ingenium atque eloquentia a Socrate ipso laudantur (b); qui a Cicerone, summo oratore, inter summos refertur dicendi doctores; cui tantus honos habitus fuit a Graecia, soli ut

ex

(a) In PHAEDONE p. 225. se in eo tantummodo ab aliis philosophis dissentire affirmat, quod illi βλέπουσι πρὸς τὰ πρῶγματα τοῖς ὅμοιαι, καὶ ἐκάστη τῶν αἰσθήσεων ἐπιχειροῦσιν ἅπτεσθαι αὐτῶν, se autem putare χρῆναι εἰς τοὺς λόγους καταφύγοντα ἐν ἐκείνοις σκοπεῖν τῶν ὄντων τὴν ἀληθείαν.

(b) In Hippia majori (ab initio) Socrates ipse narrat. „Γοργίας τε γὰρ οὗτος δ' „Λεοντῖνος σοφιστῆς δὲυρὸ ἀφίκετο, δημοσίᾳ οἰκοῦεν πρεσβεύων, ὡς ἱκανότατος „ὢν Λεοντῖνων τὰ κοῖνα πράττειν” κ. τ. λ. — Neque Aeschines, Socratis discipulus observantissimus, Gorgiae orationis aspernatus est, de quo refert Laërt. II. 63. μάλιστα δὲ μιμεῖται Γοργίῳ τὸν Λεοντῖνον. Memorabilis locus de Gorgia Sophista est in Menone, ubi Socrates Menoni „οἱ σοφισταὶ σοὶ οὗτοι, οἵπερ „μόνοι ἐπαγγέλλονται. δοκοῦσι διδάσκειν εἶναι ἀρετῆς”; ad quae Meno responder. „Καὶ Γοργίῳ μάλιστα, ὦ Σώκρατες, ταῦτα ἄγομαι, ὅτι οὐκ ἂν ποτε αὐτοῦ „τοῦτο ἀκούσαις ὑπισχνουμένου” ἀλλὰ καὶ τῶν ἄλλων καταγελαστούν ἀκούσῃ „ὑπισχνουμένων, ἀλλὰ λέγειν οἶεται δεῖν ποιεῖν δεινούς.”

ex omnibus Delphis non inaurata, sed aurea statua poneretur (a); cujus operi de natura (b) quantum ex ejus fragmentis judicari potest, subtilitas mentis non est neganda: hunc ne, inquam, virum credibile est, adeo sese ritui obtulisse, ut in Gorgia narratur? (c) Nam, ut omittam illa, quae in summo oratore Cicero requirit, sana saltem mente carere non debet, qua tamen eum profus caruisse, concludendum est, si e. g. nesciret, quid respondendum esset Socrati affirmanti: „nunquam reipublicae gubernatorem *injuste* damnari ab ea, cui praeesset, civitate”, aut si ad interrogationes Socratis tam inepte responderet, ut in sermone Gorgia narratur (d). Nimirum Philosopho, cui libera erat fingendi potestas, neque admodum difficiles sibi partes sument, facile succubuit orator.

His

(a) De Oratore III. 32. Leontino Gorgiae tantus honos habitus est a Graecia, soli ut ex omnibus Delphis non inaurata statua, sed aurea statueretur. Atque ii, quos nominavi, multique praeterea *summi* dicendi doctores uno tempore fuerunt etc. *Plinius* (Histor. Natur. 30. 4.) refert Gorgiam ipsum sibi statuam posuisse. Cum Cicerone consentit *Valerius Maximus* 8. 15.

(b) Fragmenta hujus operis *περὶ τοῦ μὴ ὄντος*, ἢ *περὶ φύσεως* exstant in scriptis Aristotelis, atque Sexti Empirici adversus Mathematicos.

(c) Conf. de Oratore 32. ubi *Carulus* affirmare non dubitat: „Gorgias, quo „patrono (ut Plato voluit) philosopho succubuit orator, aut non est victus nunquam a „Socrate, neque sermo ille Platonis verus: aut, si est victus, eloquentior videlicet „fuit, et disertior Socrates et copiosior, et melior orator”.

(d) Unum exemplum attulisse sufficiat. *SOCRATES* Οὐκοῦν κατὰ τοῦτον τὸν λόγον καὶ ὁ τὰ δίκαια μεταβληκῶς, δίκαιος. *GORGIAS*. Πάντως δὴ πού. *S.* Οἱ δὲ δίκαιος δίκαιός που πράττει; *G.* Ναί. *S.* Οὐκοῦν ἀνάγκη τὸν ῥητορικὸν, δίκαιον εἶναι, τὸν δὲ δίκαιον βούλεσθαι δίκαια πράττειν. *G.* Φαίνεται γε. *S.* Οὐδέποτε ἄρα βουλήσεται ἔχει δίκαιος ἀδικεῖν. *G.* Ἀνάγκη. *S.* Τὸν δὲ ῥητορικὸν ἀνάγκη ἐκ τοῦ λόγου δίκαιον εἶναι. *G.* Ναί. *S.* Οὐδέποτε ἄρα βουλήσεται ὁ ῥητορικὸς ἀδικεῖν. *G.* Οὐ φαίνεται γε.

His et talibus rationibus adducti hos sermones Platonicos de Sophistis fatiris adnumeramus, quae, quid verum sit, non satis accurate exponant, ut historicus, rerum, non fabularum, auctor, qui Sophistas describere velit, huic imagini, a Platone magis ad voluntatem fortasse, quam ad veritatem expressae, certam auctoritatem, nisi haec aliunde constet, tribuere nequaquam debeat (a).

Longam autem istam ab Athenaeo, praeunte Hegesandro (b), enumeratam seriem virorum, quorum mores, ingenium, sententiae in sermonibus Platoniciis reprehenduntur, per se non indicare Platonis malevolentiam, facile concedo. Id enim hac in causa quaeritur, *num vere dixerit*, aut potius, *num vere dicere voluerit*, nec ne, quod plerumque non examinavit Athenaeus (c) Attamen Platonis scripta legens, in quibus tam rara est laus atque approbatio, tam abundans vituperatio et irrisio, non possum non

in

(a) Idcirco narrationes illae apud Laërtium atque Athenaeum de fide sermonum Platoniconum, ubi Socrates inducitur (de quibus p. 192. 193. diximus) a veritate non alienae videntur esse. Plures ejusmodi collegit *Athenaeus* XI. 113. *Λέγεται δὲ καὶ ὡς ὁ Γοργίας αὐτὸς ἀναγνοὺς τὸν ἑμάνυμεν αὐτοῦ διάλογον, πρὸς τοὺς συνήθεις ἔφη, ὡς καλῶς εἶδε Πλάτωνα ἱαμβίζειν, atque deinceps. ὁ Γοργίας ἔφη, ἢ καλὸν γε αἱ Αῑθαῖ καὶ νῦν τοῦτον Ἀρχιλόχον ἐννέχασιν* Platonem rotens. Ex quibus concludit Athenaeus *διὸ καλῶς ὁ Τίμων ἔφη, ὡς ἀνέπλαττε Πλάτων πεπλασμένα θάύματα εἰδῶς.*

(b) *Deipnos*. XI. 114. et 116.

(c) Recte enim admonet Dionysius Halicarnasensis (de Thucyd. *Histor.* 3.) *αὐτὸς δὲ Πλάτωνα Παρμενίδην, καὶ Πρωταγόραν, καὶ Ζήνωνα, καὶ τῶν ἄλλων Φυσιολόγων οὐκ ὀλίγους, ἡμαρτηκότας ἀπεδεικνύσαι βούλεται· καὶ οὐδεὶς αὐτῷ κατ'αὐτόγε τοῦτο ἐπιτιμᾷ· ἐνθυμούμενος ὅτι τῆς Φιλοσόφου θεωρίας σκοπὸς ἐστὶν ἢ τῆς ἀληθείας γνῶσις.*

in iis indolem, ad reprehensionem procliviorē, quam pro veritatis studio agnoscere (a).

Neque etiam pro mera calumnia id habendum esse censeo, quod a nonnullis auctoribus veteribus memoriae proditum est, multa Platonem, non sine magno in conscribendis sermonibus usu, ex aliorum scriptis mutuatum fuisse, quorum in numero refertur Epicharmus (b) philosophus Pythagoricus, physicus, medicus, idemque, ut verisimile est, Comicus (c), quem Cicero Siculum vafum, acutum, nec insulsum vocat

(a) Eadem pluribus locis notavit Dionysius Halic., censor severus Platonis, sed accuratus, nec partium studiis deditus. Ita in epistola ad Pompejum p. 126 *ὁπότε οὖν Πλάτων τὸν Φορτικώτατον, καὶ ἐπαχθέστατον τῶν ἔργων προσελάμενος, αὐτὸν ἐπαινῶν κατὰ τὴν δύναμιν τῶν λόγων, οὐδὲν ἔστο ποιεῖν κατηγορίας ἄξιον, εἰ παρὰ τὸν ἄριστον τῶν τότε ῥητόρων τοὺς ἰδίους ἐξετάζειν ἡξίου λόγους, ἐπιδεικνύμενος Λυσίαν τε ἐν οἷς ἡμέρτηκε, καὶ ἑαυτὸν ἐν οἷς κατάρθωκε.* Recenset deinde viros, quos Plato in sermonibus reprehendit, addens: *οὐκ ἀπὸ τοῦ βελτίστου πάντα περὶ αὐτῶν γράφων, ἀλλ' εἰ βούλει, καὶ ἀπὸ φιλοτιμίας· ἦν γὰρ μὲν τῇ Πλάτωνος φύσει πολλὰς ἀρετὰς ἐχούτη τὸ φιλότιμον.*

(b) Laërtius in ejus vita. Lib. 8. § 78. notat eum fuisse Helothalis filium, in insula Co naum, Pythagorae auditorem, delatum autem cum trimestris esset Megara Siciliae, deinde vero Syracusis. Hinc patet, quare ab aliis Cōus, ab aliis Sículus et Syracusanus dicatur. Suidas et Jamblichus de vita Pythagorae alia patris nomina memorant.

(c) Suidas: *Ἐπιχάρμος Συρακούσιος, ὃς εὗρε τὴν Κωμῳδίαν ἐν Συρακούσαις ἑμὴ φάρμῳ, καὶ ἔσχε Aristoteles in libello de Poëtica. Cap. 3 αἱ ἐκ Σικελίας ἀντιποιοῦνται τῆς κωμῳδίας — ἐκείθεν γὰρ ἦν Ἐπιχάρμος ὁ ποιητής.* Laërtius. Lib. III. 9. Epicharmum comicum appellat eum, quem Plato imitatus fuisse dicitur, sed, quod mirandum est, in vita Epicharmi philosophi nullam de eo, ut Comico, aut de ejus Comoediis mentionem fecit.

cat (*a*), cujus quanto apud Syracusanos in honore fuerit sapientia, ex carmine ejus statuæ inscripto, quod nobis servavit Laërtius (*b*), manifestum est. Composuerat commentarios de Physiologia, de Medicina, sententias, carmina (*c*), quae Theaeteto, Timaeo, Parmenidi, aliisque sermonibus materiam praebuisse affirmat Alcimus (*d*), qui, ut id probaret, plura ex Epicharmi carminibus atque Platonis sermonibus inter se collegit, cujus comparationis specimen dat Laërtius (*e*), ubi de iis, quae sub sensus cadunt, de rerum naturalium principiis, de bono atque de ideis disputatur, in quo similitudo et materiei et formae inter utrumque non est neganda. Quod si quis dicat, fieri potuisse, ut uterque eundem auctorem Pythagoram, Heraclitum, aut alium secutus sit, mutetur nomen auctoris, qui Platoni usui fuerit.

Narratur etiam Plato Sophronis Mimographi libros antea neglectos Athenas invexisse, iisque legendis sic delectatus fuisse, ut super illis dormi-

(*a*) Tusc. I. 8. atque Ep. ad Atticum I. 19. duo Epicharmi versus citantur, alter Latinus de Graecis conversus, alter Graecus. Posterior est: *ναφε καὶ μέμνας' ἐπίσειν*: ἄρθρα ταῦτα τῶν φρενῶν, quem Q. Cicero de Petitione Confultatus, expresfit. Ἐπιχαρμεῖον illud teneto: nervos atque artus esse sapientiae, non temere „credere”

(*b*) In ejus vita. Lib. VIII. 78.

(*c*) Laërtius loco citato: οὗτος ὑπομνήματα καταλέλοιπεν, ἐν οἷς Φυσιολογεῖ, γνωμολογεῖ, ἱατρολογεῖ.

(*d*) Hesychius Milesius etiam ὠφελεται δὲ Πλάτων πολλὰ παρ' Ἐπιχαρμου. Miror autem Athenaeum, Lib. XI. neque de Alcimi libro neque de Epicharmi imitatione quidquam memorasse.

(*e*) Laërtius III. 9.

miret, suppositosque capiti, cum moreretur, habuerit (a). Ex ejus mimis Plato mores formavit, ut Laërtio (b), atque personarum in dialogis imitationem didicit, ut Olympiodoro videtur (c). Gellius etiam memoriae prodidit, Timonem in Sillis contumeliose appellasse Platonem, quod immenso pretio tres libros Pythagoricae disciplinae emisset (d), atque ex eo
Ti-

(a) Vide QUINTIL. I. 10. Idem affirmat VALERIUS MAXIMUS 8. 7.; LAËRTIUS. Lib. III. 18.; HESYCHIUS MILESIUS in *vita Sophronis*; *Duris*, teste ATHENAEO Lib. XI. Cap. III. p. 1. OLYMPIODORUS in *vita Platonis* p. 584. Edit. Weissenii. De hoc Sophrone SUIDAS notat „Σάφρων „ Συρακούσιος, Ἀγαθοκλέους καὶ Δαμνασουλίδος. Τοῖς δὲ χρόνοις ἦν κατὰ „ Ἑρξην καὶ Εὐριπίδην”. Aristoteles etiam de eo mentionem facit in libro περὶ Παιγῶν, qui locus ab Athenaeo citatur. Lib. XI. Cap. 112. p. 379.

(b) LAËRTIUS Lib. III. 18. „δοκεῖ δὲ Πλάτων ὑποποιῆσαι πρὸς τῶν „ Σάφρονος τοῦ μιμογράφου βιβλίων”. Vide Valcken. ad Theocr. Adoniaz. p. 584.

(c) Sophroni etiam Aristophanes iungitur ab OLYMPIODORO. Verba sunt: „ἔχαιρε δὲ Πλάτων πάνυ καὶ Ἀριστοφάνει τῷ κωμικῷ, καὶ Σάφρονι, παρ’ ὧν „ καὶ τὴν μίμησιν τῶν προσώπων ἐν τοῖς διαλόγοις ὠφελήθη. λέγεται δὲ οὕτως „ αὐτοῖς χαίρειν, ὥς καὶ ἡνίκα ἐτελεύτησεν εὐρεθῆναι ἐν τῇ κλίνῃ αὐτοῦ „ Ἀριστοφάνην, καὶ Σάφρονα”. Platonis etiam epigramma in Aristophanis laudem hoc loco citatur.

(d) Platonem hos libros emisse narrant GELLIIUS III. 17. atque Laërtius III. 9. Gellius his verbis narrationem incipit: „Memoriae mandatum est”, Laërtius autem: „λέγουσι δὲ τινες, ὧν ἐστὶ καὶ Σάτυρος, ὅτι”. Incertum est an Laërtius VIII. 85. iisdem de libris loquatur. Treves Chil. X. 355 idem confirmat. Verisimile est hos libros a Philolao Pythagorico conscriptos fuisse. Non abs re est hoc loco referre, quid Dionysius Halicarnasensis de Pythagoreorum libris censuerit. In Libro de Vett. Script. censura IV. admonet: Τῶν φιλοσόφων δ’ ἀναγνώσκοντες τοὺς τε Πυθαγορικοὺς.

Timaeum continensset (a). Mera sane calumnia est, quod Aristoxenus et Phavorinus, teste Laërtio, (b) affirmant, omnem fere de republica sermonem in Protagorae libris, qui Antilogici inscriberentur (c) scriptum fuisse, aut quod Theopompus Chius (d), Platonis sermones majore ex parte alienos esse, defuntos partim ex Aristippi, nonnullos ex Anisthenis, multos etiam ex Brysonis Heracleotae disputationibus.

Ipse autem quaestio, utrum in sermonibus conscribendis alios auctores secutus sit Plato nec ne, quanquam alias parvi momenti (quis enim philosopho, ut ex aliorum libris legendis fructus capiat, aut quae sibi pro-

„ τῆς σεμνότητος καὶ τῶν ἡθῶν καὶ τῶν δογμάτων εἵνεκέν' οὐ μὴν ἀλλὰ καὶ
 „ τῆς ἀπαγγελίας. μεγαλοπρεπεῖς γὰρ τῇ λέξει καὶ ποιητικοί· καὶ οὐδέ
 „ παρὴνλείπουσι τὴν σαφήνειαν, ἀλλὰ κεκραμένη τῇ διαλέκτῳ χρώμενοι”.
 Autarem addit „ μιμητέον δὲ μάλιστα Ξενοφῶντα καὶ Πλάτωνα, τῶν τε ἡθῶν
 „ χάριν, καὶ τῆς ἡδονῆς καὶ τῆς μεγαλοπρεπειᾶς”. Libri, quos Plato emisit
 dicitur, eo majore erat pretii, quod, si Laërtio II. 15. credimus, Pythagorici dogmata
 usque ad Philolai tempora ignotum erat. De Pythagoreorum arcana disciplina etiam
 narrant Tzetzes Chil. X. 355. et Clemens Alexandrinus, alique.

(a) Ita Timon in Sillis (Gellius III. 17). „ ἔνθεν (ex quo lib'ο) ἀπαρχόμενος
 „ τοιαῦτα γράφειν ἐδιδάχθη”. Tzetzes Chil. X. 355. „ ἀφ' οὗ γράφει τὸν
 „ Τίμαιον καὶ τὰ λοιπὰ ὁ Πλάτων.” Laërtius VIII. 85. de Philolao narrat.
 „ γέγραφε δὲ βιβλίον ἓν, ὃ φησιν Εἰρηαιππος λέγειν τινὰ τῶν συγγραφέων,
 „ Πλάτωνα τὸν φιλόσοφον παραγενόμενον εἰς Σικελίαν πρὸς Διονύτιον ἀνήσασθαι
 „ παρὰ τῶν συγγενῶν τοῦ Φιλολάου, καὶ ἐντεῦθεν μεταγεγραφέναι τὸν
 „ Τίμαιον”. cact.

(b) Quod apud Laërtium III. 37 de Aristoxeno, idem III. 57. de Phavorino narratur. Quam parum accurate res referat Laërtius hac speciem est. More suo omnia fere turbat.

(c) De his Protagorae lib'is Laërtius IX. 55. etiam meminit.

(d) Ἐν τῷ κατὰ τῆς Πλάτωνος διατριβῆς. Vide Athenaeum XI. 118.

probentur sententiae, eas sequatur, non concedat?) tamen, ut per se patet, ad ea, quae nunc inquirimus, plurimum refert.

Haec fere dicenda putavi de auctoritate sermonum, in quibus Socrates a Platone inducitur. Multa praeterii, ne longus essem. Attamen ex iis, quae commemorata sunt, ni fallor, jure colligimus, non solum hos sermones esse fictos, verum etiam, in examinandis Socratis sententiis, parvam aut nullam fidem iis esse habendam. Qua in re id profecto mirari licet, principem illum philosophorum tantae apud aequales et posteros auctoritatis, non modo falsa de magistro in medium protulisse, verum etiam ea, atque id impune, finxisse, quae illis, qui Socratem audiverant, turpissimorum mendaciorum eum accusandi concederent facultatem, aut quae illos, qui non audiverant (quoniam nullo loco se finxisse sermones monuit) in summos errores inducerent.

Quae tamen admiratio tolletur, si animadverterimus, jam ante Platonem usu receptum fuisse, fictis sermonibus de philosophia, de politica, de physicis instituere quaestiones, in quibus etiam forsitan, ut Plato fecit, aut honoris causa, aut, quo majorem auctoritatem haberet oratio (a), priores partes celebri cuidam philosopho, politico, physico darentur, qui ea, quae illi, a quo induceretur, vera aut verisimilia viderentur, doceret, atque id, quod contradiceretur, refelleret. Cujus scribendi generis, quo Alexamenus Tejus, prouti Aristoteles (b), atque Zeno Eleates, prouti

(a) Ut Cic. de *Senectute* Cap. I. § 3. „Omnem sermonem tribuimus non Tithono, „ ut Aristo Chius, parum enim esse auctoritatis in fabula, sed M. Catoni seni, quo „ majorem auctoritatem haberet oratio“. Atque de *Amicitia* Cap. I. 4. „ Genus „ hoc sermonum positum in hominum veterum auctoritate et eorum illustrium, plus, „ nescio quo pacto, videtur habere gravitatis. Itaque ipse mea legens, sic afficior in- „ terdum, ut Catonem, non me, loqui existimem“.

(b) Athenaeus Lib. XI. Cap. 112. p. 378. narrat hoc genus inventum fuisse ab Alexamenus

prouiti Laërtius memorat (a), jam ante Platonem usi sunt, definitionem dat Laërtius. „Dialogus, inquit, ex interrogatione atque responsione compositus est, atque versatur in iis, quae philosophiam, aut politicam spectant, cum decente et congrua expressione perfonatum, quae inducuntur, atque accurata verborum compositione” (b).

Quare ad fictionem referendus est Dialogus, atque id in causa est, cur disputetur, quisnam ejus inventor fuerit, cur Laërtius notet, Platonem ejus inventorem non fuisse, verum id genus expolivisse, ut non solum ornatae, et expolitae orationis, verum etiam ipsius inventionis auctoritatem sibi

meno Tejo, testibus. Nicia Nicaeensi et Sotione. Citat etiam Aristotelem, qui in libris de poetis dixisset: „οὐκοῦν μὴ Φῶμεν εἶναι λόγους (Valckenarius correxit „διαλόγους) καὶ μιμήσεις τοὺς Ἀλεξαμενοῦ τοῦ Τηϊοῦ τοὺς πρῶτους „γραφέντας τῶν Σωκρατικῶν διαλόγων” Conf. Wytenbachii epistola ad Hensdii specimen Crit. Platonis. Verum ex iis verbis non satis liquet, utrum Aristoteles dixerit, Alexamenum primum scripsisse dialogos Socraticos, an id voluerit, ipsum dialogos conscripsisse, antequam Socratici ederentur. Utcunque est, vera est conclusio Athenaei „Quibus verbis declarat Aristoteles, ante Platonem dialogos scripsisse „Alexamenum”. *Epitomator Deipnos.* atque LAËRTIUS Lib. III. 48. affirmant Alexamenum dialogorum inventorem ab Aristotele habitum fuisse. Laërtius Aristoteli testi etiam adjungit Phavorinum, sed non satis video, quo modo id conveniat cum narratione Lærtii eodem libro c. 24. „Ἰλᾶτων πρῶτος ἐν ἐρωτήσῃ λόγον παρήνεγκεν, „ὡς Φησι Φαβωρίνος ἐν ὀγδόῃ παντοδαπῆς ἱστορίας”.

(a) LAËRTIUS III. 43 — de quo autem in ejus vita Lib. IX. 25. nullam fecit mentionem.

(b) LAËRTIUS Lib. III. 48. „μετὰ τῆς πρεπούσης ἡθοῦς τῶν παραλαμβομένων προσώπων, καὶ τῆς κατὰ τὴν λέξιν κατασκευῆς”.

sibi vindicaret (a), cur item Cicero de more, con uetudine dialogorum pluribus locis commemoret. Quid enim inventio, quid expolitio, quid mos, et consuetudo dialogorum, si vel revera sint habui, vel habitos esse oporteat (b). Veteres etiam non solum philosophis, sed etiam historicis amplam sermones fingendi potestatem deuisse, neque, dummodo τὸ πρεπὸν τοῖς προσώποις observaretur, id magnopere veritati historicae contrarium videntur habuisse (c).

Ergo concedamus Platoni, ut ad imitationem aliorum, atque id se-

cu-

(a) LAERTIUS loco citato: „δοκεῖ δέ μοι Πλάτων ἀκριβέστερας τὸ εἶδος, καὶ τὰ πρωτεῖα δικαίως ἂν ὥσπερ τοῦ κάλλους οὔτοι καὶ τῆς εὐρέσεως ἀποφέρεσθαι”.

(b) Cicero de sermonibus, quos ipse composuerat, ad Varronem ita scribit: „Feci sermonem inter nos habitum in Cumano, cum esset una Pomponius. Tibi dedi partes Antiochinas, quas a te probari intellexisse mihi videor: mihi summi Philonis. Puto, fore, ut, cum legeris, mirere id nos locutos esse inter nos, quod nunquam locuti sumus, sed nosti morem dialogorum” Confer ep. ad Atticum XIII 10.

(c) Ut patet apparet ex Dionysio Halic. Ita v. c. (de Vett. Script. Censura III. p. 70 edit. Sylb.) Xenophontem comparans cum Herodoto, „ὁ μὲν Ξενοφών, inquit Ἡροδότου ζηλωτὴς ἐγένετο κατὰ τε τὰς πραγματικὰς ἀρετὰς καὶ τὰς οἰκονομικὰς, καὶ τὰς ἡθικὰς, τῶν διαλεκτικῶν — ὅψους δέ καὶ μεγαλοπρεπειᾶς καθόλου τοῦ ἱστορικοῦ πράγματος οὐκ ἐπέτυχεν· ἀλλ’ οὐ δέ τοῦ πρέποντος τῶς προσώποις πολλάκις ἐσοχάσατο, περιτιθεὶς ἀνδράσιν ἰδιώταις καὶ βιβαίροις ἐπὶ ὅτε λόγους φιλοτόφους· λέξει χράμενος λόγοις, πρεπούσῃ μᾶλλον ἢ στρατιωτικοῖς κατορθώμασι”. Nulla omnino hac in comparatione de veritate sermonum fit mentio, atque decorum personarum observare, id potius referunt ad rerum historicarum sublimitatem atque magnificentiam. Vide quae Thucydides in se, rerum gestarum pronuntiatior sincerus et grandis de orationibus, quas memoriae tradiderat, monuit in Prooemio Hist. B. P. de quibus Cicero (Brutus 83.): „Orationes, quas Thucydides interposuit (multae enim sunt) eas ego laudare soleo, imitari neque possum, si velim, nec velim fortasse, si possum”.

cutus, quod jam in usu esset, sermones Socraticos finxerit, neque se finxisse admonuerit. Dummodo servatum esset a Platone, quod deceret, id est, dummodo id, quod Socrate dignum fuisset, et factum et dictum esset (quod equidem valde dubito) (a) non accusationis, aut admirationis causa ulla superesset.

Haec consideranti mihi non accurate egisse videntur ii, qui ex his sermonibus de Socratis ingenio, moribus, opinionibus, docendi et disputandi modo existimarunt, atque in iis vel accusandi (b), vel contra veteres atque novos aggressores defendendi eum causas quaesiverunt, quod idem mihi videtur, ac si quis Marci Catonis indolem, eloquentiam, atque sapientiam ex dialogo de senectute cognoscere velit. Nisi aliunde certa ratione pateat, vera esse, quae in sermonibus de Socrate narrantur, temere iis confiditur; quare, si nulla alia, nisi haec superessent testimonia, nequaquam, quid probabile sit, ex iis evolvere sperantes, ut multa alia, ita etiam nostram quaestionem iis adnumeraremus, quibus crassa medii aevi caligo est objecta, atque quo minus ea, qualia sint, perspiciantur, impedit, atque semper impeditura est.

At

(a) *Dionysius Halic.* (Demosth. p. 177) „ἐγὼ τὸν μὲν ἐν τοῖς διαλόγοις „δεινότητα τοῦ Πλάτωνος, καὶ μάλιστα ἐν οἷς ἂν φυλάττῃ τὸν Σωκρατικὸν „χαρακτήρα, ὅσπερ ἐν τῷ Φιλήβῳ, πάντο ἄγαμαί τε καὶ τεθάρμυκα· τῆς δὲ „ἀπειρεσσιότητος αὐτὸν οὐδεπώποτε· ἐξήλωσα τῆς ἐν ταῖς ἐπιτέτοις κατασκευαῖς”.

Caet.

(b) „Ut e. g. *paederastiae*. Non tota via aberrasse mihi videtur Athenaeus (V 61) affirmans. ἀλλὰ μὴν οὐδὲ ἂν ὁ Πλάτων εἴρηκε περὶ Σωκράτους, τῶν Κωμικῶν τις εἴρηκεν — οὐδ’ ὥς Ἀλκιβιάδης συνεκισμήθη ὑπὸ τὴν αὐτὴν γενόμενος χλαῖναν. Καὶ τοὶ ἀναγκαῖον ἦν τοῦτο ἐκκαθαρθεῖν ὑπὸ Ἀριστοφάνους τοῦ καὶ ἐν τῷ συμποσίῳ κατὰ Πλάτωνα· οὐ γὰρ ἂν εἰσέγχετο τοῦτ’ Ἀριστοφάνης ὥς τοὺς νέους διαφθείροντος.” — Conclusio est: „πεφύκασι δὲ οἱ πλείστοι τῶν φιλοσόφων „τῶν κωμικῶν κατηγοροὶ μᾶλλον εἶναι”.

At vero etiam Apologiam scripsit Plato. orationis genus diversum a dialogis, in qua Socrates ad singula accusationis capita respondet apud iudices, quae, quanquam haud dubie quoque ficta est (a), tamen cum defensionem Socratis, non expositionem locorum philosophiae complectatur, hoc praecipue in causa est, cur majorem ei in nostra quaestione, quam dialogis, fidem habeamus.

Etenim hanc orationem, in qua calumniatorum argumenta refellenda, veritas atque mendacia firmis rationibus exponenda erant, Plato edidit civibus, quorum fere unicuique, quid in ea falsum, quid verum esset, dijudicandi erat facultas, ut, si veris ficta admiscuisset, et magistri causae et suae ipse famae profecto parum consulisset. Conferantur ea, quae in eandem sententiam de Xenophontis Memorabilium auctoritate diximus, quae, paucis mutatis, hujus etiam Apologiae auctoritati fulciendae inservire possunt. Simplex etiam illud, haud quaque disertum narrandi et disputandi genus, quo hac in defensione Plato usus est, Socrati convenit, qui ut ipse de se saepius testatur, faciundae et poliendae orationis esset ignarus, atque, de Antonii in libro de Oratore sententia, nullam aliam ob causam, nisi propter dicendi inscientiam, damnatus esset.

Praeterea tam fidenter et aperte loquitur Socrates, tam graviter Deos atque homines testes invocat, tantam veritatis adeo, nullam suae salutis ha-

(a) Cicero de Oratore I. 54. narrat, Lyssam Socrati scriptam orationem attulisse, quam, si ei videretur, ediceret, ut ea pro se in judicio uteretur; Socratem autem hac oratione, quae ipsi non fortis et virilis videretur, uti noluisse. Plutarchus affirmat Platonem Lyssae Apologiam rescriptisse, sive argumentum a Lyssa in oratione tractatum de novo tractasse. Haec si vera sunt, verisimile sit, inde ortam fuisse Apologiam, quam nunc habemus. Idem fere quod Cicero narrant VALER. MAX. VI. 4. atque LAERTIUS II. 40. Fortitan autem haec ipsa Apologia imitatio est sermonis, quem ipse Socrates ante iudices habuerat, adeo ut, si non verba, loci saltem atque sententiae in utraque, et Platonis et Socratis Apologia, conveniant.

habere rationem videtur, ut vix fieri possit, qui hic nisi falsa suspicetur, ut non idem de probitate atque de sana Platonis mente dubitet. Quibus rationibus adducti concludimus, in inquirendis Socratis sententiis, aut fidem Apologiae esse habendam, aut eam Platonis scriptis omnibus prorsus esse negandam. Quare si, quae in ea proferuntur, cum Xenophon-
tis testimonio conveniunt, majorem etiam auctoritatem illi allatura sunt, quae nullo modo infringetur iis testimoniis, quae e sermonibus, contra-
ria docentibus, hauriantur.

IV. PLATONIS TESTIMONIUM EX APOLOGIA SOCRATIS PETITUM.

Quod cum ita sit, hac Apologia duce examinemus, quidnam de Phy-
sicorum studiis censuerit Socratis. Duplex erat accusationum genus. Alterum jam ante multos annos crebris sermonibus usurparant inimici, alterum eo tempore instruxerant Anytus atque ejus adspulatores. Prioris generis hoc unum erat accusationis caput (a): „Socrates injuste agit, „ percuriose inquirens quae sub terra, et quae in coelo sunt (*περιεργάζεσθαι* „ *ζητῶν τὰ τε ὑπὸ γῆς καὶ τὰ ἐπουράνια*) atque haec alios docet”. Aut, ut eadem deinde aliis verbis (b) repetuntur: „Socrates est vir sapiens, „ perscruator meteororum et omnium, quae sub terra fiunt” (*τὰ μετέωρα φροντίζει, καὶ τὰ ὑπὸ γῆς πάντα ἀνεζητήτως*).

Quaeritur autem, quae sint illa *τὰ ὑπὸ γῆς*, *τὰ ἐπουράνια*, *τὰ μετέωρα*. Qua de re, ut de tota accusatione consulendae sunt Aristophanis Nubes, ubi haec uberius explicantur. Ilunc enim comicum haud obscure enume-
rat

(a) Pag. 41.

(b) Pag. 42.

rat Socratis inter accusatores, quod in Nubibus iisdem calumniis usus erat (a).

Primum in iis propter Astronomiae studium (περὶ τῶν ἐπουρανίων) irridetur Socrates. Strepsiades enim filio scholam Socratis ostendens: „Animarum sapientium, inquit, haec est schola (Φροντιστήριον). Illic habi-
„tant viri, qui hominibus persuadent, coelum esse furnum, idque esse
„circa nos. Nos autem carbones (b)”. Strepsiadi discipulus ipse So-
cratis narrat, magistrum lunae vias et motus (περιφορὰς) quaerere (c).
De eadem re, rustice magis quam facete, alio loco nugatur Aristophanes (d).
Neque etiam Instrumenta Mathematica et Astronomica in Socratis schola
desiderantur (e). Verum in acerbissimas calumnias vertitur hic risus
in iis locis, ubi τὰ μετέωρα Physicis rationibus explicantur. Inducitur
enim Socrates inepte de se narrans: „per aërem incedo (ἀεροβατῶ)
atque

(a) Apologia pag. 42. „Τοιαῦτα γὰρ ἑώρατε καὶ αὐτοὶ ἐν τῇ Ἀριστοφάνους
„κωμῳδίᾳ, Σωκράτην τινὰ ἐκεῖ περιφερόμενον, φάσκοντά τε ἀεροβατεῖν, καὶ
„ἄλλην πολλὴν Φλυαρίαν Φλυαροῦντα. — Liquep. 40. ὃ δὲ πάντων ἀλογώτατον.
„ὅτι οὐδὲ τὰ θύράματα οἶόν τ' αὐτῶν εἶδέναι, καὶ εἰπεῖν· πλὴν εἴ τις κωμῳ-
„δοποιῇ; τυγχάνει ὧν”.

(b) Nubes vs. 94.

(c) Nubes vs. 171.

(d) Vs. 195.

(e) Vs. 200. Streps. „Πρὸς τῶν θεῶν, τί γὰρ τὰδ' ἐστίν, εἰπέ μοι. Discip.
„Ἀστρονομία μὲν αὐτῇ. Str. τοῦτ' ἂν, τί; Disc. Γεωμετρία. Str. τοῦτ' οὖν
„τί ἐστὶ χρήσιμον; Disc. γῆν ἀναμετρεῖσθαι... τὴν σύμπασαν” ad quae Scholiastes
„notat: εἰσελθὼν ὁ πρεσβύτερος ὁρᾷ τὰ τῶν Φιλοσόφων σκεύη, ἄβακκον, ἢ σφαῖραν,
„ἢ ζωγραφίαν” καὶ ἑρωτᾷ τί ἐστὶ. Τοῦτ' ἂν τί. Διχράγματά τινα καὶ
„πίνακας δεικνύσιν ἀστρονομικῶν καὶ γεωμετρικῶν”

„, atque solem contemplor (a). Nunquam enim accurate meteora (τὰ μετέωρα παράμυα) investigare potui, nisi suspensio animo, atque „subtili meditatione permista cum aëre sibi simili” (b). Atque alio loco (c) Socrates admonet Strepsiaden: „, Quin age, ut, si quando sapien- „tem aliquam quaestionem posuero de meteoris, eam statim arripias” (d). Haec etiam meteora, ad quae referuntur fulgur, tonitru, pluvia, explicantur (e); in qua explicatione, quanquam tantummodo ad risum movendum spectare videtur, tamen calumnia prorsus adparet, Socratem videlicet haec phaenomena, quae ex opinione vulgi non nisi solâ deorum vi atque actione, non antecedenti causa, effici crederentur, ex Physicis rationibus, id est, ex naturalibus causis explicavisse, neque in illis deorum interventum admisisse, atque hac inquirendi docendique ratione satis declarasse, se deos non esse existimare. Quare non immerito Socrates in Apologia: „, οἱ γὰρ ἀκούοντες ἡγοῦνται, τοὺς ταῦτα ζητοῦντας οὐδὲ θεοὺς νομίζειν”. Ex his locis, inter se collatis, patet, ad *meteora* etiam referri *corpora coelestia* (f).

Investigationem etiam eorum, quae sub terra sunt, sale suo adspersit Comicus. Ita STREPSIADES (g): Quid ad terram adspiciunt isti?

DI-

(a) Nubes vs. 225. seqq. Hunc locum respexit Plato in Apologia.

(b) Εἰ μὴ κρεμάσκει τὸ νόημα, καὶ τὴν φροντίδα λεπτὴν καταμίξας ἐς τὸν ἴμοιον αἶρα.

(c) Ὅταν τι προβάλωμαι σοφὸν περὶ τῶν μετεώρων.

(d) Vs. 489.

(e) Vs. 375. seqq.

(f) Ut recte ad vs. 228. Scholiastes hanc vocem τὰ μετέωρα explicat: „, τὰ ὑψηλὰ „καὶ οὐράνια· περὶ τούτων γὰρ τοῖς φιλοσόφοις τὰ ζητήματα”.

(g) Nubes vs. 187.

DISCIPULUS. Quaerunt ea, quae sub terra sunt. **STR.** Quid autem illi faciunt, qui corpus tam valde inclinant? **DISC.** Perscrutantur ima Erebi et Tartari (a).

Physiologiae etiam animalium, (b) Geometriae atque Geographiae (c) studium pro ridiculo habetur. Circinus (διαβήτης) alium in usum adhibitus fuisse narratur, atque vulgo a Mathematicis adhiberi solet (d). Huc pertinet etiam mensura Geometrica pulicis pedibus.

Nonnulli recentiores eruditi Aristophanis defensionem ita susceperunt, quasi aut jocandi tantummodo causa, non calumniandi, Socratem riserit, aut sub Socratis persona non Socratem, sed multos Sophistas atque philosophos, de natura deorum atque mundi disferentes, petere voluerit (e).

Quae

(a) Ἑρεβοδιφῶσιν ὑπὸ τὸν Τάρταρον. Ad quae Scholiastes: „ Τὰ ὑπὸ Ἑρεβος διφῶσι, τοιῦτοι, τὰ ὑπὸ γῆν ζητοῦσι. Τάρταρος δὲ ἐστὶν, ὃ ὑπὸ γῆν, κατώτατος τόπος.

(b) Nubes vs. 159.

(c) Nubes vs. 200—217.

(d) Nubes vs. 177.

(e) In hanc sententiam, credo, adducti fuerunt praecipue iis argumentis, quae Scholiastes ad vs. 96. seqq. notavit. Quare non supervacuum videtur, ejus verba referre, atque argumenta paucis examinare. „ Ταῦτα δὲ πρότερος Κράτης ἐν Πανόπτταις δράματι περὶ Ἰππῶνος τοῦ φιλοσόφου καμωδῶν αὐτὸν λέγει· „ ἀφ’ οὗ εὐχαριζόμενοι· τινὲς φασιν, ὅτι μηδεμιᾶς ἔχθρας χάριν Ἀρτοφάνης ἦκεν ἐπὶ τὴν τῶν Νεφελῶν ποιήσιν, ὅς γε μήτε ἰδίῳ τι, μήτε ἀρμόττον (ἐπήγαγεν), ἀλλὰ μηδὲ πρὸς ἐν ἔγκλημα ἦλθε Σωκράτους”: (quod his argumentis profecto levissimis confirmatur): „ δύο γὰρ κατ’ αὐτοῦ ταῦτα προεῖς ἐγκλήματα, τὸ περὶ οὐρανοῦ, ὅτι ἐστὶ πνιγνός· καὶ ὡς ἱκανός ἐστι τὸν ἥττω λόγον διδάσκειν, καὶ τὸν κρείττονα· τὸ μὲν, κοινὸν τῶν φιλοσόφων ἀπάντων ἐπήγαγεν ἔγκλημα· φαίνεται δὲ καὶ ἐπὶ τούτων ὁ Ἰππῶν καμωδῆσθαι φλόσας.”

(Quasi vero omnes philosophi, ὅτι ὁ οὐρανός ἐστι πνιγνός, aut ejusmodi quid affirmant.

Quae sententia, haudquaquam mihi verisimilis, qua tandem ratione probabilis fiat, me nescire libenter fateor. Ubi omnia acerbissimis calumniis redundant, non nisi jocos videre, rara profecto indulgentia est. Sub cujusdam viri celeberrimi, viventis, praesentis, persona, alios petere acerrime; neque ejusmodi allegoriam, aut tropum, ut ambiguitas vitetur, indicare, tam singularis mos est, ut dubitem, an ulli nationi, aut tempori proprius esse possit. Quotusquisque philosophorum invenitur, qui in omnium

Ceterum, quam parum accurate dispuet hoc loco Scholiastes, aut illi, qui ita conjiciant, inspectis Nubibus, ubi plura ejus generis accusationum capita, eaque multo graviora, neque in omnes philosophos conferenda leguntur, cuivis manifestum fit).
 „ τὸ δὲ τῶν ἐγκλημάτων, οὐδὲ τὸ σύνολον ἐπινοοῖ φιλοσοφίᾳ, οὐ γὰρ τοῦτο
 „ ἐπαγγέλλονται οἱ φιλόσοφοι, δεινὸς ποιῆσειν λέγειν ἴδιον δὲ τὸ τοιοῦτο
 „ μᾶλλον τῆς ῥητορικῆς. ὥς ἐπ' ἀμφοτέροις τὸν φιλόσοφον καθαιρεῖν”.
 (Attamen Socratis tempore philosophia cum theoria plerumque conjungebatur. Illi veteres doctores, auctoresque dicendi nulli in genus disputationis a se alienum putabant, semperque erant in omni orationis ratione versati (Cicero de Orator. III. 32. l. 15. 16.) neque Sophistis nihil arduum erat, neque Philosophia, neque Physica, neque Geometria, neque ars disferendi, aut pallium foccosque conficiendi). „ οἱ δ' ὅτι δλόκληρον εἰς αὐτὸν
 „ συνέταξε δρᾶμα, καὶ δι' ἔχθραν νομίζουσιν αὐτὸν πεποιημέναι, οὐκ ὀρθῶς.
 „ εἶναι· πρῶτον γὰρ Δίφίλος εἰς Βοῖδαν τὸν φιλόσοφον δλόκληρον συνέταξε.
 „ ποιῆμα· διὸ οὐκ εἰς δουλείαν ἐβρύχαινετο φιλόσοφος· οὐ διὰ τοῦτο δὲ ἐχθρὸς ἦν.
 „ (Argumenti vis non satis est perspicua. Poetam ex analogia quadam ducitur).
 „ ἔπειτα Εὐπολῖς, εἰ καὶ δι' ὀλίγων ἐμνήσθη Σωκράτους, μᾶλλον ἢ Ἀριστοφάνης
 „ ἐν βλαῖς ταῖς Νεφέλαις αὐτῷ καθήψατο. οὐδὲν δὲ χεῖρον ὑπομνησθῆναι. τῶν
 „ Εὐπόλιδος. Δεξιάρχος δὲ Σωκράτης τὴν ἐπίδειξιν Στησιχόρου οἰνοχόην
 „ ἐκλειψεν· οἷον δ' ἔν ὄρῳ τὸν φιλόσοφον τὸ ἐν Φανερό μάλισα σκεῦος κατα-
 „ κείμενον κλέπτοντα καὶ ὑφαϊσόμενον”. Quid, quaeso, haec? Aristophanes in ipsis Nubibus vs. 178. etiam Socratem narrat, circino sumto, e palaestra vestem surripuisse. Quid inter haec furta interest? Alterum conspicitur, alterum narratur in scena, idque a discipulo in laudem magistri. Quin in scena ipsa Strepsiadi vestem surripuit. Socrates vs. 1499.

omnium civium conspectu aliorum vitia in se accumulari non recuset, non in malam partem accipiat. Negligere, quid de se quisque sentiat, non solum arrogantis est, sed etiam omnino dissoluti (a). Socrates certe, si ulla Apologiae fides concedenda est, hunc honorem recusavit atque Aristophanis nugas pro calumniis habuit. Inter gravissimos enim inimicos refert Aristophanem, atque aperte indicat, id eum egisse, ut talibus nugis suam apud populum famam laederet (b).

At vero, cum id solum agatur, utrum vera an falsa protulerit Aristophanes, haec praetermittamus, atque, quod pluris interest, videamus, quid ad has accusationes et calumnias responderit Socrates. Verum ex earum comparatione cum iis locis, quae ex Memorabilibus citavimus, manifestum est, Xenophontem ad eas respexisse, atque eas refellere conatum

(a) Cicero de Offic. I. 28.

(b) Apologia p. 42. Ἐμοῦ γὰρ πολλοὶ κατήγοροι γεγονόσι πρὸς ὑμᾶς, καὶ πάλαι πολλὰ ἤδη ἔτη, καὶ οὐδὲν ἀληθὲς λέγοντες· οὗς ἐγὼ μᾶλλον φοβοῦμαι ἢ τοὺς ἀμφὶ "Ανυτον, καίπερ ὄντας καὶ τούτους δεινούς. ἀλλ' ἐκεῖνοι δεινότεροι, ὧ ἄνδρες, οἱ ὑμῶν τοὺς πολλοὺς ἐκ παίδων παρακλημβάνοντες, ἐπειθόν τε καὶ κατηγόρου ἐμοῦ οὐδὲν ἀληθές — οὐδὲ τὰ δνόματα οἶόν τ' αὐτῶν εἶδέναι καὶ εἰπεῖν· πλὴν εἴ τις κωμωδοποιὸς τυγχάνει ὧν. His non repugnat id, quod Aelianus Var. Hist. II. 13. narrat, Socratem adfuisse, cum ageretur haec Comoedia, atque surrexisse, ut ab omnibus videretur. Contempsit scilicet calumnias. Aelianus ipse τοσοῦτον ἄρα, inquit, περιῖν τῷ Σωκράτει τῆς κωμωδίας καὶ Ἀθηναίων κατὰφρονεῖν. Aristophanes, dicunt, Symposio Socratis apud Platonem adfuit. Verum, quamvis sermo ille verus sit, num inde colligi potest, falsa esse, quae Plato in Apologia de Aristophane narrat? Aristophanes, ut Olympiodorus refert, a Platone ipso vehementer carmine laudatur. Sed vide, ne hoc totum sit a nobis. Nullo enim modo probabile est, Platonem in amici vituperationem falsa in Apologia prodidisse. Aelianus I. c. tradit, Anytum ejusque socios Aristophani persuasisse, ut Nubes ederet. Anytum hoc fecisse, id temporis rationi repugnare videtur. Sed quod Anytus non fecit, alii Socratis inimici facere potuerunt. Cum Aeliano tamen consentit Diog. Laërtius II. 38.

tum fuisse. Quare earundem in Apologia refutatio, confirmet necesse est, Platonem et Xenophontem hac in re prorsus convenire.

Gravissima autem est haec refutatio, adeo ut de Platonis testimonio nullum prorsus dubium relinquatur. De Aristophanis enim calumniis mentione facta, addit Socrates: „De his rebus (Physicis, Astronomicis, cet., quae in Aristophanis comoedia proferantur) ego neque magnum quidquam nec tantillum scio. Neque haec, ut Meliti accusationem effugiam, ita dico, quasi earum, si quis in iis sit sapiens, nullo loco numerem scientiam — sed revera, Athenienses, nihil harum scio. Testes autem plerosque vestrum rursus adhibeo. Rogo vos docere et exponere invicem velitis, quotquot me disferentem aliquando audivistis. Multi autem vestrum sunt, qui me audiverint. Commorate igitur invicem, num quis vestrum aliquando de iis rebus sive multum sive parum me disputantem audiverit, atque inde cognoscetis, ejusmodi etiam esse cetera, quae de me a multis narrantur. Nam nihil horum verum est”. Atque deinceps. „Quod si quis dixerit, se privatim a me quidquam vel didicisse vel audivisse, quod nec aliis omnibus commune fecerim, non verum dicit”.

Hoc testimonio nihil certius, nihil magis affirmans esse potest. Testes invocat omnes, qui ipsum audiverant (eodem modo, quo apud Xenophontem), nunquam se de his rebus disputasse, nunquam eas docuisse. Quae de re illi mihi in errore versari videntur, qui freti iis, quae de suis naturalium rerum in juventute studiis in Phaedone narrat Socrates, affirmant, Socratem *juniorem* has docuisse, atque sic Aristophani irridendi sui causam dedisse (a). Cur enim in Apologia ne verbo quidem de his studiis mentionem

(a) Ita T. C. Harles in praefatione ad Aristophanis Nubes. Lips. 1788. — „Cum primis institui demonstrare, Aristophanis in hac fabula eam fuisse mentem, ut cum Socrate, in adolescentia *sophistarum doctrinis artibusque imbutum*, licet adultior et senior

tionem facit? Cur non excusavit se apud iudices de his juventutis erroribus? Cur non petiit, ut memoria eorum remitteretur prudentiae senis? Verum tantum abest, ut hoc faciat, ut *totius peractae vitae* Athenienses testes adducat: „Εἰ πώποτε ἢ σμικρὸν ἤκουσέ τις αὐτῶν, αὐτοῦ περὶ τούτων „διαλεγόμενον”. Mirum profecto est, illos, qui hanc sententiam tuentur, oratione Socratis in Phaedone, atque adeo ipsius Platonis auctoritate fretos, id statuisse, cuius contrarium a Platone ipso in Apologia aperte docetur.

Ad Meliti accusationem, quod solem esse lapidem doceret, lunam vero terram, ita respondet Socrates: „Anaxagoram a te accusari cre-
dis, atque hos iudices tam parvi facis, eosque ita litterarum expertes
putas esse, ut nesciant, Anaxagorae Clazomenii libros ejusmodi quaestionibus refertos esse. Juvenes autem haec a me discant? Quae cuivis
subinde si permagno, drachma licet de scena emere, ut Socratem irrideant, si haec fingat, sua esse, praesertim cum tam absurda sint
(ἄτοπα)” (a).

Unde

„evasisset hostis illorum acerrimus, Euripidi amicum, comoediarum et comicorum
osorem, tum maxime Sophistas, quorum personam Socrates indueret (et is junior
aliquatenus potuit probabilius sustinere illam) risui, ludibrioque spectatorum exponere
in theatro”. Hac hypothesi duce, explicantur Nubes, ut v. c. 94, ubi Harles observat
Socrates junior studio rerum naturalium deditus, de natura coeli, siderum
terraeque more aliorum philosophorum disserens, coelum esse dixit concameratum seu
convexum, et terram tegere”. Satis fidenter profecto! Si addidisset *forfitan*, nullus
obstaret. Multa enim nobis in historia sunt, quae fieri potuerunt, etiam ea, quae non
verisimilia sunt. Si quis autem proficetur, *factum est*, majus quiddam ab eo, ut id
nobis probetur, requirimus.

(a) Haec consentiunt iis, quae de Anaxagora in Memorabilibus narrantur, de quibus jam diximus.

Unde autem istae calumniae ortae sint, his verbis indicat (a). „Ne
 „accusatoribus meis (intelligitur etiam Aristophanes) accusationis materia
 „deesse videatur, arripiunt ista convicia, quae in omnes, qui philoso-
 „phantur, in promptu sunt, me inquirere, quae in aëre atque sub terra
 „sint, deos non credere, inferiorem causam efficere superiorem. Nam
 „verum, credo, fateri nolunt. Aegre ferunt, suam et scientiae simulatio-
 „nem et inscientiam patefactam esse. Sapientis nomen (b) mihi prop-
 „terea exortum est, quod quoties ulla in re alium redarguo, qui adsunt,
 „credant, in ea ipsum me esse sapientem (c).

Denique qua sapientia praestet, declarat his verbis (d). „Equidem
 „non ob aliud profecto sapientis nomen nactus sum, nisi ob sapientiam
 „quamdam. Verum ob quam sapientiam? Forsitan ob humanam; nam
 „in hac revera sapiens esse videor. Illi vero, de quibus modo dicebam
 „(Gorgias Leontinus, Prodicus Chius, Hippias Eleus), fortassis ob ma-
 „jorem quam hanc sapientiam sapientes sunt — vel quod dicam, non
 „habeo. Equidem ea praeditus non sum. Quicumque ea me praeditum
 „esse affirmat, mentitur, atque id in meam calumniam dicit, cet”.

Haec autem sapientia, quae humanam superat, ut ex orationis contextu
 sequitur, etiam Physicas res complectitur. Quare illa est sapientia, quam
 Xenophon dicit versari *ἐν τοῖς δαιμονίοις*, opposita humanae sapientiae, quae
τὰ ἀνθρώπεια spectat. Conferantur, quae de his supra (e) diximus, unde,
 quam

(a) Apologia p. 54.

(b) Pag. 53.

(c) Pag. 47. seqq.

(d) (*Memorabil.* I. 1. § 11.) Xenophon etiam docet, quomodo et quibus rationibus
 rerum naturalium perscrutatores erroris et ignorantiae convinceret Socrates.

(e) Pag. 170. seqq.

quam mirum in modum hac in re consentiant Plato atque Xenophon, colligitur (a).

Haec sufficiant ad demonstrandum, prorsus secum invicem convenire, quae cum in Xenophontea, tum in Platonica Apologia de Physicis Socratis

(a) Hoc Platonis in Apologia testimonium eo plus mihi auctoritatis habere videtur, quod eas doctrinas, quas Socrates repudiabat, non solum addidicerat, verum etiam eas probas, veras, civitati utiles ac deo gratas habebat, quod apparet in dialogis de Legibus, atque Epinomi, ubi Geometriae, Astronomiae, atque Physicae studium vehementer commendat, adeo ut Socratem ipsum, de his studiis aliter disputantem, refutare voluisse videatur. Ita de Legibus VII. *ATHENIENSIS*. Πολλοῦ δὲ ἂν δεήσειεν ἄνθρωπος γε θεῖος γενέσθαι, μῆδε νύκτα καὶ ἡμέραν διατριβεῖσθαι δυνατὸς ὧν· σελήνης δὲ καὶ ἡλίου καὶ τῶν ἄλλων ἄστρον περιφορᾶς ἀπειρώς ἔχων. Ταῦτ' εὖν δὴ πάντα, ὥς μὲν οὐκ ἀναγκαῖά ἐστι μαθήματα τῷ μέλλοντι σχεδὸν ἐπιστῶν τῶν καλλίστων μαθημάτων εἶσεσθαι, πολλή ἡ μωρία τοῦ διανοήματος· atque deinceps. *ATHENIENSIS*. Ἄστρον δὴ τὸ μετὰ ταῦτα ὄρα τὴν μάθησιν τοῖς νέοις, ἂν ἡμῶς ἀρέσκη λεχθεῖσα, ἢ καὶ τούναντιον. *CLINIAS*. Λέγε μόνον. *ATH.* Καὶ μὴν θαυμά γε περὶ ταῦτα ἐστὶ μέγα, καὶ οὐδαμῶς οὐδαμῇ ἀνεκτόν. *CLINIAS*. Τὸ ποῖον δὴ; *ATH.* Τὸν μέγιστον θεὸν καὶ ὅλον τὸν κόσμον φαμέν οὔτε ζητεῖν δεῖν, οὔτε πολυπραγμονεῖν, τὰς αἰτίας ἐρευνᾶντας, οὐ γὰρ οὐδ' ὅσιον εἶναι. Τὸ δὲ ἔοικε πᾶν τούτου τούναντιον γιγνόμενον, ἐρῶς ἂν γίγνεσθαι. *CL.* Πῶς εἶπες; *ATH.* Παράδοξον μὲν τὸ λεγόμενον, καὶ οὐκ ἂν πρεσβυταῖς τις οἰηθεῖν πρέπειν τούδε, ἐπειδὴν τις τί καλὸν τε οἰηθῇ καὶ ἀληθὲς μάθημα εἶναι καὶ πόλει συμφέρον, καὶ τῷ θεῷ παντάπασι φίλον, οὐδενὶ δὴ τρόπῳ δυνατὸν εἶναι ἔτι μὴ φράζειν. *Cet.* Atque in Epinomi; Τούδε δὲ μηδεὶς ποτὲ φοβηθῇ τῶν Ἑλλήνων, ὥς οὐ χρὴ περὶ τὰ θεῖα ποτὲ πραγματεῦεσθαι θνητοῦς ὄντας. Πᾶν δὲ τούτου διανοηθῆναι τούναντιον. Deinde. Ἀστρονομίαν ἀγνοεῖτε, ὅτι σοφώτατον ἀνάγκη τὸν ἀληθῶς ἀστρονόμον εἶναι, μὴ τὸν κατ' Ἡσίοδον ἀστρονομούντα καὶ πάντας τοὺς ταιούτους, οἷον δυσμάς τε καὶ ἀνατολὰς ἐπισκαμμένον· ἀλλὰ τὸν τῶν ὀκτὼ περιόδων τὰς ἐπτά περιόδους διεξιούσης. *Cet.*

tis placitis occurrunt. Non attingemus, quoniam iis parva aut nulla est auctoritas, argumenta ex ipsis Platoniceis dialogis petita, in quibus praecipue sunt illa, quae de suis in juventute studiis, atque de Anaxagorae libro *de mente* in *Phaedone* (a) fufe exposuit Socrates, quae, *quam alienus ab his studiis, atque quam parum ad ea aptus fuerit*, dilucide ostendunt. Haec autem praetereuntibus nobis, jure, credo, concedetur, ut iis etiam sermonum locis, qui contraria docere videantur, nulla omnino auctoritas habeatur.

Quamobrem, quantum fas est in historicis rebus, ubi aliorum maxime testimoniis omnis conclusio nititur, idem concludamus licet, quod Xenophonte duce jam fecimus, *omnem legum atque causarum naturalium investigationem Socratem contempsisse, atque id statuisse, de Physicorum conatibus idem esse censendum, quod de Cosmologicorum atque Metaphysicorum; nimirum irritos eos esse, humanas superare vires, nullam ex iis percipi posse utilitatem.*

Ceterum, quatenus hic Socratis error justas in reprehensiones incurrat, exponere, hujus non est loci. Illud tamen praeterire non possum, (quod sine dubio omnibus patet, qui libero judicio Xenophontis Memorabilia, aliaque, in quibus vere exprimitur, perlegerint, atque quantum morum officiique studium omnibus aliis praeccellat studiis, agnoverint) Socratem multo magis celebrandum esse, quod doctrinam de moribus tam praeclare, tam enixe tractaverit, quam vituperandum, quod Geometriae, Astronomiae atque Physices studium contemserit. Certe id mihi persuasi, si datur aliqua divina Providentia, quae actionum moralium curam gerit (quis autem sancti officii memor de hac dubitet?) si in hominum salutem ab hac Providentia divina diversis temporibus misi fuerunt viri, animo ingenioque egregii, qui, sensus morales excitando, confirmando, quam efficacissime agerent in aequales atque posteros, Socratem

in

in hos viros referendum esse. Praeclarum munus ipsi mandatum et cognovit, et totum se ei dedit, et ad mortem usque eo fidelissime functus est. Εἴ μοι, ita alloquitur iudices, πρὸς ταῦτα εἵποιτε. Ὡς Σώκρατες, νῦν μὲν Ἀνὺτῳ οὐ πεισόμεθα, ἀλλ' ἀφίεμέν σε, ἐπὶ τούτῳ μέντοι ἐφ' ᾧτε μηκέτι ἐν ταύτῃ τῇ ζητήσῃ διατρίβειν, μηδὲ φιλοσοφεῖν· ἐὰν δὲ ἄλλῃς ᾖ τοῦτο πράττων, ἀποθανῇ· εἰ οὖν με, ὅπερ εἶπον, ἐπὶ τούτοις ἀφίετε, εἵποιμ' ἂν ὑμῖν. Ὅτι ἐγὼ ὑμᾶς, ὦ ἄνδρες Ἀθηναῖοι, ἀσπάζομαι μὲν καὶ φιλῶ, πείσομαι δὲ μᾶλλον τῷ θεῷ ἢ ὑμῖν — Ταῦτα γὰρ κελεύει ὁ θεός, εὖ ἴτε· καὶ ἐγὼ οἶμαι οὐδέν πω ὑμῖν μεῖζον ἀγαθὸν γενέσθαι ἐν τῇ πόλει ἢ τὴν ἐμὴν τῷ θεῷ ὑπηρεσίαν. Οὐδὲν γὰρ ἄλλο πράττων ἐγὼ περιέρχομαι ἢ πείθων ὑμῶν καὶ νεωτέρους καὶ πρεσβυτέρους, μήτε σωμαίων ἐπιμελεῖσθαι μήτε χρήματων πρότερον, μήτε ἄλλου τινὸς οὕτω σφόδρα, ὥς τῆς ψυχῆς, ὅπως ὥς ἀρίστη ἔσται; cet.

Quis haec aliaque sine animi commotione, sine admiratione legat? Longe absit a nobis, venerandum hunc virum de contempto commemoratarum artium studio irridere, aut accusare. Atque haud scio an, quamvis has artes contemserit, tamen earum studia maxime promoverit, discipulorum mentem exercendo, acuendo, in libertatem vindicando, dilucidis notionibus atque veri investigandi studio implendo. Etenim hac praecipue ratione e disciplina Socratis quam plurima disidentium philosophorum genera exstiterunt, quorum multi summo ardore Geometriam atque Physicam coluerunt.

1870

1871

1872

1873

1874

1875

1876

1877

1878

1879

1880

1881

1882

1883

1884

1885



UNIVERSITY OF ILLINOIS-URBANA

881S35 YSCH

C001

DISPUTATIO QUA SOCRATIS SENTENTIA DE PHY



3 0112 023833301